

光緒順天府志

金石志二

光緒順天府志一百二十八

歷代上

江陰繆荃孫纂

周

康侯鼎

存 篆書 在京師國子監

欽頒彝器十種之一乾隆二十四年

命陳設

先師廟

大成殿鼎高八寸四分橫六寸六分縱四寸三分耳高一寸八分

腹高三寸三分足高三寸五分四面鑄饗養紋有銘按銘曰寶

鐘而名鼎者考宋薛尚功鐘鼎款識所載商伯申鼎而銘為寶

彝周師夷鼎銘為尊劍正與此類

國子監志

犧尊

存 無款識 在國子監

欽頒彝器之一尊為全犧形鑿背為尊口徑二寸八分身高九寸

橫一尺三寸五分遍體雷紋國子監志

內言卣存 篆書 在國子監

欽頒彝器之一通高一尺蓋高二寸一分頂高一寸腹高五寸三

分足高一寸九分梁高五寸八分蓋圍一尺四寸腹圍二尺三

寸足圍一尺四寸通體有饗發雷紋器蓋皆有銘國子監志

犧首壘存 無款識 在國子監

欽頒彝器之一高一尺二寸四分口圍一尺七寸七分腹圍二尺

二寸九分口高一寸八分腹高九寸八分足高八分兩肩有犧

首二各銜銅銀一近足處亦飾犧首二國子監志

雷紋壺存 無款識 在國子監

欽頒彝器之一高一尺四寸四分口高四寸二分腹高七寸七分

足高一寸九分口圍一尺八寸四分腹圍三尺八分足圍二尺

五寸壺旁兩耳徧體雷紋國子監志

召仲簋存 篆書 在國子監

欽頒彝器之一高七寸七分蓋高三寸五分腹高二寸四分足高一寸八分蓋寬九寸八分通體蟠螭紋蓋腹合縫處四面各飾夔首一兩旁各有夔耳一器蓋皆有銘按此器為簋而銘詞稱壺考宋薛尚功鐘鼎款識載召仲考父壺銘詞三十七字亦與此同而形製大小體質輕重乃絕不相類或簋與壺兩物可通

稱也國子監志

盟簋存 篆書 在國子監

欽頒彝器之一通高七寸三分蓋高二寸四分足高一寸七分周圍二尺三寸五分通體周鑄夔紋旁出夔耳二有銘在蓋及底

按簋為飯器而銘曰簠彝考宋薛尚功鐘鼎款識簠訓熟食簋盛黍稷熟乃可食義正相符又宣和博古圖載望簋銘文同此

亦作簠彝是其例矣國子監志

雷紋觚存 無款識 在國子監

欽頒彝器之一通高七寸八分口圍一尺六寸腹圍三寸六分足圍九寸口高三寸二分腹高一寸八分足高三寸腹足以下周

鑄饗餐雷紋國子監志

子爵存 篆書 在國子監

欽頒彝器之一通高七寸七分口高二寸五分腹徑一寸七分足高三寸五分口有雷紋腹有饗餐雷紋兩柱三足有流有盞有

銘國子監志

素洗存 無款識 在國子監

欽頒彝器之一高一寸五分周圍三尺國子監志

石鼓文存凡十鼓篆書在京師內城先師廟大成門左右

孫星衍編修以石鼓文爲宇文周時物謂周書本紀數書狩于岐陽可據中請證之周書太祖本紀魏太統十一年西狩岐陽十三年太祖奉魏帝西狩于岐陽高祖紀保定元年狩于岐陽天和三年行幸岐陽有此四事今檢後漢書鄧騭傳遭元二之災注元二卽元元也古書字當再讀者卽于上字之下爲小二字言此字當兩度言之今岐州石鼓銘凡重言者皆爲二字明驗也詳此注之意緣石鼓是三代之物故取以釋漢書而以古書發其凡若使石鼓製自宇文則是以後證前雖愚者不出於此章懷太子與後周耳目相接張大安諸人均有文學無容不知一證也元和郡縣志引吏部侍郎蘇勛之言曰史籀之迹近

在關中岐陽石鼓是也虞褚歐陽共稱其古妙按褚遂良年輩
差後今不具論歐陽詢傳云年八十餘卒既不明著其數且不
知卒以何年攷古者亦無從措意惟虞世南以貞觀十二年卒
年八十一則以陳高祖永定二年生實當周世宗之二年洎陳
滅入隋世南年三十一矣是時周之亡才九年上距岐陽之狩
遠者四十四年次四十二年次二十八年又次二十一年使石
鼓立于後周則是甫經脫手之物以世南之博物精鑒豈得妄
以爲史籀筆迹而歎其古妙傳曰以今視古古猶今也今之爲
篆者有王澐給事中中生十歲而給事猶存然中見給事之篆
固不以爲李陽冰党懷英也且歐陽及褚何以與之閤合二證
也周太祖割據關隴軍國多虞未遑文教其時文士惟有翼僞
趙文淵及平江陵始得王褒褒僞之書今不傳於世文淵于碑

榜是其所長所書驪山溫泉頌石刻見存

茶孫按趙文淵所書華岳頌非溫泉頌

其篆額筆法凡劣又不合六書以視石鼓文豈止霄壤使石鼓出自宇文之世究是何人所書豈得寂爾無聞三證也或謂周世蘇綽嘗仍尙書作大誥則石鼓仿小大二雅理固宜然史稱綽穰穰魏晉憲章虞夏雖屬辭有師古之美矯枉非適時之用故莫能常行焉據武成元年五月戊子詔書已變其格又世宗幸同州過故宮詩載於本紀猶是當時之體未嘗刻意摹古若以爲出自綽手則蘇勛者綽之曾孫豈宜數典忘祖而違傳之史籀四證也太祖本紀大統十四年奉魏太子巡撫西竟自新平出安定刻石紀事則刻石載于本紀矣若石鼓爲當時所刻何以但書狩於岐陽不書刻石五證也編修之言本於馬定國之說今不得其詳編修既有斯疑同人或多信之謹就其言

辨之如此若其文字瀉古百世之下猶見倉史制作遺意好學
深思之士當自得之今不備論也

在中述學外篇 按舊聞考
萃編國子監志所載均不錄

石鼓文今在國學櫺星門內左右各五元潘迪音訓刻碑立於
右旁僂見存三百八十六字余於嘉慶乙丑秋親至鼓所手自
甄椎得三百十六字以天一閣所藏北宋拓本校之僅存十之
七而已古文籀文見於鐘鼎彝器者甚多石鼓殊不類謂是周
成王宣王時物未敢傳和金馬定國以西魏大統十一年十月
西狩岐陽斷此鼓爲宇文周物按第九鼓有日佳丙申句以魏
史推之十月得有丙申以南北史推之十月不得有丙申續漢
郡國志注陳倉有石鼓山或卽以石鼓得名則宇文之說亦難
盡信昌黎詩云公從何處得紙本毫髮盡備無差訛又云年深
豈免有缺畫知唐搨有半蝕字無全闕字而宋釋諸家皆不滿

五百字又多傳會之失至楊慎偽造全文尤無足辯丙申下一
字舊釋爲旭余與孫淵如觀察識是卯卽胸字非旭字又避卽
吾字避卽御字駸亦御字魴卽魴字鮪卽鮪字旃卽徹字胥卽
胥字竊卽儀禮音字並舊釋所未備嚴可均鐵橋漫稿

漢

冀州從事張純碑 佚

春明夢餘錄張純碑在昌平于奕正天下金石志誤張純爲王
純從事爲刺史攷之隸釋王純碑在中都今之汶上非昌平也

左馮翊韓延壽碑 未見

金石林時地攷韓延壽碑在宛平春明夢餘錄韓家山在京西
三十六里俗名罕山有漢左馮翊韓延壽碑漶滅不可讀

全椒侯馬成墓碑 未見

京畿金石考在平谷縣東二里

張孝張里墓碑 未見

金石攷墓在昌平州西北賢孝張口碑文尚存按以上二碑不見前人箸錄孫氏所據大約本諸方志恐是後人立碑墓前非兩漢貞石也

晉

番公專 存分書 大康元年太歲在辛亥九月七日 在南半截胡同出土

黃岡洪御史良品宅在南半截胡同後院曠地時有大蛇光緒甲申之冬時尋蛇出入之跡得一穴啟之此專在焉文云元康元年太歲在辛亥九月七日番公行造十七字蓋古冢也元作天元康元年卽永平元年改元在三月間

王密立征北將軍建成鄉景侯劉靖碑 佚

水經灤水注灤水逕薊縣故城南大城東門內道左有魏征北將軍劉靖碑晉司隸王密表靖功加於民宜在祀典以元康四年九月二十日刊石建碑

劉靖戾陵堰碑 佚

水經鮑邱水注劉靖碑其詞曰魏使持節都督河北道諸軍事征北將軍建城鄉侯沛國劉靖字文恭登梁山以觀源流相灤水以度形勢嘉武安之通渠羨秦民之殷富乃使帳下丁鴻督軍士千人以嘉平二年立遏於水導高粱河造戾陵遏開車箱渠其遏表云高粱河者出自并州潞河之別源也長岸峻固直截中流積石籠以爲主遏高一丈東西長三十丈南北廣七十餘步依北岸立水門門廣四丈立水十丈山水暴發則乘遏東下平流守常則自門北入灌田歲二千頃凡所封地百萬餘畝

至景元三年辛酉詔書以民食轉廣陸廢不贖遺謁者樊晨更制水門限田千頃刻地四千三百一十六頃出給郡縣改定田五千九百三十頃水流乘車箱渠自薊西北逕昌平東盡漁陽潞縣凡所潤舍四五百里所灌田萬有餘頃高下孔齊原隰底平疏之斯灌決之斯散導渠口以爲濟門澠池以爲甘澤施加於當時敷被於後世晉元康四年君少子驍騎將軍平鄉侯弘受命使持節監幽州諸軍事領護烏丸校尉甯朔將軍遏立積三十六載至五年夏六月洪水暴出毀損四分之三剩北岸七十餘丈上渠車箱所在漫溢追惟前立遏之勲親臨山川指授規略命司馬關內侯逢惲內外將士二千人起長岸立石渠脩主遏治水門門廣四丈立水四尺興復載利通塞之宜準遵舊制凡用功四萬有餘焉諸部王侯不召而自至纒負而事者

蓋數千人詩載經始弗亟易稱民忘其勞斯之謂乎於是二府
文武之士感秦國思鄭渠之績魏人置豹祀之義乃遐慕仁政
追述成功元康五年十月十一日刊石立表以紀勲烈并記邊
制度永爲後式焉

康王碑

佚

水經聖水注范陽郡今理涿縣故城城內東北角有晉康王碑

范陽王司馬煖廟碑

佚

水經聖水注涿縣故城有范陽王司馬煖廟碑

高原碑

佚

魏高閭傳閭五世祖原晉安北將軍上谷太守關中侯有碑在薊中

燕

銅馬象銘讚

佚

水經灤水注昔慕容廆有駿馬至備光壽元年齒四十九矣而
駿逸不虧備奇之比鮑氏馳命鑄銅以圖其象親爲銘贊鏘頌
其旁象成而馬死矣

秦

銅虎符石函銘

伏

寰宇記引郡國縣道志薊城大廳前石函長二尺高一尺歷代
不敢開銘曰秦建元元年造銅虎符

魏

閻惠端爲太皇太后造象記

存日

正書 太和十三年三月十五
在昌平州西南五十里妙峯山

石佛寺

前人未著錄光緒六年通州張雲翼訪得之象造於太和十三
年爲孝文帝卽位之十九年記中云太皇太后卽文成文明皇

后帝之祖母承明元年尊爲太皇太后臨朝聽政太和十四年崩造象在十三年正太后臨朝時也餘皆閭氏人題名

東魏

比邱僧曠造四面玉石象存正書□□
二年歲次乙卯

按乙卯爲天平二年

夫造像者事始胡風製稀丈八京師都會疊有傳摹或移從秦洛流轉不恒或廢同鼎彝琕始就此刻踴現西郭見稱南皮著錄惟礪他若燕武容隋僧壽之屬偽迹炳然非敢詳也

北齊

范陽義坊頌石幢未見

趙之謙補訪碑錄正書天統十年在良鄉

隋

范陽郡正陽瑾墓志

未見

補訪碑錄正書仁壽元年十一月廿九日在涿州

幽州智泉寺舍利塔下銘

未見

劉侗帝京景物略正書王臣暕撰在房山雷音洞按隋文帝仁壽元年二十八州起塔五十三州咸瑞勅文載於法苑珠林四十末云仁壽元年六月十三日內史令豫章王臣暕宣暕煬帝子開皇中封豫章王後封齊王宣者宜勅也景物略以王臣暕爲人姓名誤矣補訪碑錄亦沿其失

智泉寺舍利感應記

未見

景物略正書王邵撰仁壽二年四月八日在雷音洞

白馬寺經幢

幢未訪得拓本尙存八面刻仁壽四年正月上旬造在南城閤

忠寺南白馬寺

石經堂觀無量壽經碑存十石正

石經堂大方廣法華經碑存四石正

石經洞妙法蓮華經碑存七十六石正書

石經洞維摩經碑存三十石正書

石經洞兜率陀天經碑存高麗國沙門達牧正書三十石

石經洞金剛般若經蜜多心經碑存四石正書

石經洞賢劫千佛名經碑存五石正書

石經洞五十三佛名經碑存一石正書

石經洞天王觀世音經碑存二石正書

石經洞温室沐浴經碑存二石正書

石經洞教戒經碑存三石正書

石經洞八齋戒經並懺悔文碑存正書二石

石經洞佛說法藏經殘碑存正書一石以上十三種皆沙門靜琬造在房山

按北齊沙門慧思淨住懃題誓宜鴻願普鑄見籍鏡幽穹巖弟子靜琬密承法付於大業末年返乎貞觀疲毫琢版疊窟盈堪此一百四十六碑者即靜師初迹也深依洪洞累壁四周左右各三十枚後面四十一枚門首及左右又三十三枚人得摹傳俾宏真福以緣起隋代著目於斯濟濟石經碑言刻自北齊據慧公時代非謂始功也靜琬事蹟詳釋道傳

小西天舍利石函記存文云大隋大業十二年歲次丙子四月丁未朔八日甲子於此函內安置佛舍利一

位願住持永劫計三十六字明萬曆二十年僧達觀啟洞拜石得之

石柱佛像題字存正書凡四柱每柱四面各鑄佛象卅龕旁題佛名字與法華經柱類系同時所刻在雷音

河石經堂

楊君讓墓碑 佚

京畿金石攷在陽鄉舊店西

唐

然燈佛塔題字 未見

通州高志學宮牆外古塔有石一方云唐貞觀口年尉遲敬德修樊彬畿輔碑目作七年

靜琬碑記 未見

京畿金石攷貞觀八年在石洞壁上

尉遲敬德造觀音銅象 佚

燕都游覽志晉陽菴出宣武門二里許內有古銅觀世音像高三尺餘下有款識云大唐貞觀十四年尉遲敬德監造黎秘書民表隸書古佛菴三字極工後移置稽山會館

臨濟縣男任恭碑 佚

京畿金石攷正書貞觀十七年在涿州

淤泥寺經幢

存 八面刻 官官張功謹敬德監造 貞觀式
十二年三月吉日 在京師內城西北隅秀峯寺

其末曰大唐貞觀二十二年三月吉日建立誤作三十二以三

字改成式字按貞觀止於二十三年此碑疑是後人偽刻然予

見兗州龍興寺修三門記宋太平興國七年刻亦以八字改成

七字古人碑碣之文亦有草率若此者此碑又曰官官張功謹

敬德監造今山東河北寺院多云創自敬德或謂是尉遲敬德

非也敬德名恭考許敬宗所作神道碑及本傳竝無鎮幽州事

亦不當列於官官之下也又史言尉遲敬德晚年閑居學延年

術修飾池臺奏清商樂以自奉養不交通賓客凡十六年而不

聞其事佛 金石文
字記

按此幢題記不類唐人所爲顧亭林疑爲後人僞刻是也未題
官官張功謹敬德監造敬德或卽張功謹之表字或別是一人
姓名其曰官官則不可解今之京師在唐時爲幽州范陽郡在
武德元年曰燕州遷於幽州城中以首領世襲刺史其地去長
安遼遠授官且用世襲安得有官官駐於此乎且又不言何官
此不知何年有會爲官官而流寓於此者造此幢以植福耳姑
識之再以此較聖教序心經標題上多佛說二字經中無無明
下脫亦無無明四字又礎作尋顛作顛呵作賀

北留寺殘碑

佚

京畿金石攷有貞觀年月及北留寺記等字在京師內城西直

門小街十方禪院

孔子七十二子漢晉名儒像贊

佚

唐書顯慶中韋宏為檀州刺史修學宮畫孔子七十二子漢音名儒像自為贊

龐德相造金剛經頌存正書經七石頌刻碑跌垂

按姓纂龐氏本望南安碑云其先南安郡人是已遠祖不載其名無從攷證曾祖祖父名亦不見史冊龐公諱懷字伯題名諸人有懷潤懷素懷道者此云諱懷名止一字歟抑下一字諱而不書歟後列題名諸人皆龐氏之戚族頌語整飭有法書字道逸大有虞褚筆意與法華經諸刻出一人之手惜不著姓名也

郭神行署銜涿城府隸幽州金石補正

武隆令閩人元相造象石幢存二段正書聖歷二年二月在永清

右幢在城東南塔兒巷會福寺唐武后時縣令閩生元相造高一丈二三尺四面俱方徑寬尺許上刻武后立像四面皆同正

面大書方二十凡六行每行十字末行止六字字體類歐陽率更其下小楷排列銜名字半模糊不可辨識左方亦列銜名右方及後面爲明人磨泐別刻記文其銜名多人皆無可攷意當時縣中人也官銜惟佐史里缶最多按唐百官志凡縣有司功司倉司戶司兵司法司士六佐意佐史卽其流也里缶缶字疑正字之變字書無缶文古文正作缶恐是其流訛也又有坊缶

想亦坊正之訛存此以備參考

永清文徵

心經 未見

顧炎武金石文字記正書僧有晦立大足元年

石塔題字 未見

通州高志學官牆外古塔存周年號

王璈石浮圖銘

存 甯思道行書 夏四月八日建

景雲二年歲次辛亥 在房山大雲居寺塔上

文云唐中興七年歲次辛亥此以中宗復位為中興元年故以

景雲二年辛亥為唐中興之七年洪顯煊平津讀碑記五

田義起石浮圖頌存 王利貞撰 行書 大極元年四月八日 在房山雲居寺塔上

右碑題大唐易州石亭府左果毅都尉薊縣田義起石浮圖頌

大極元年四月八日建為文者歷陽丞王利貞也考唐書地理

志易州軍府有古亭無石亭蓋字相涉而誤爾府兵之制唐中

葉已廢地理志所載諸府名已不能詳雍州置府百三十一志

止得其十一餘皆逸之此碑未載義起弟義冲荃深按碑雍州與國府右果毅

都尉為義起弟義隆義冲陪戎副尉上柱國也雍州興國府右果毅都尉於是又知有

興國府之名故史家不可以不博聞也碑以薊為薊亦異文研

堂金石文跋尾

碑用孝平惟孝與楊珣碑同亦論語古讀之一證平津讀碑記

雲居寺山頂浮圖頌 存 釋玄奘詞 開元九年四月八日 在雲居寺

劉元望造石浮圖銘 存 釋元英撰銘 正書 開元九年四月八日 在房山

右雲居山石浮圖銘劉元望所造釋元英撰不著書人姓名額

題經主劉騰雲等四人碑尙完整磨泐六十餘字未行剝蝕較

甚文義不可強屬年月兩行接銘詞之下次行首季字與大字

平列後題名四行有官職者惟陪戎尉及幽州府史二人填作

瑱同音假借 金石補正

李文安石浮圖銘 存 梁高望行書 開元十年四月八日 在雲居寺塔上

文安結銜稱易州新安府折衝新唐書地理志易州有新安府

末題易州前遂城縣書助教梁高望書新唐書百官志書學助

教一人掌教八品以下及庶人子爲生者 平津讀碑續記

石浮圖銘 存 王大悅撰 正書 開元十五年歲次單閏仲春八日 在雲居寺塔上

碑稱鄭氏字玄泰今范陽人新唐書地理志無范陽縣元和郡縣志范陽故城秦范陽縣也在易州易縣東南六十二里以在

范水之陽故名

平津讀碑續記

是年丁卯此云歲次單闕惟舉其支亦金石文所少

復初齋集

房山湯記 佚

京畿金石考張嘉貞撰開元十五年四月在房山

游擊將軍薛彥碑 佚

寶刻叢編趙含撰并行書開元十八年正月

張說遺愛頌 佚

孫思邈撰為薊縣父老追頌功德文見文苑英華

大房山投龍壁記 未見

畿輔新志張誥撰并書開元二十七年在繪貝勒邸第

右大房山碑原無題額張諸詞序云開元廿七年己卯三月府城西南有大房山孔水自廿三年內供奉呂慎盈奉教投龍壁廿四年又投壁至是而三矣按道家有金龍玉簡學士院撰文具一歲齋醮投於名山洞府則龍壁爲二物金石錄所載靈門山投龍詩北海太守於天寶元貳歲下元日投金龍環壁於此山是也元宗崇信道家之說祭祀無秩碑云法師平步風張若水高味虛童子延忠等三日三夜登壇投告僕恐陵谷推移封山刊焉不僮糜資祈福爲無謂使封山出於臣下尤可嗤也山在順天府良鄉縣唐志云大房山似當以碑爲正

金石錄補

金仙公主請譯經施田記

存 王守泰撰 正書 開元廿八年庚辰歲朱明八日

今在房山縣記金仙公主奏賜譯經四千餘卷并范陽縣東南五十里上城村趙襄子淀中麥田莊并果園一所及環山林麓

金石文
字記

按前云開元十八年金仙長公主爲奏聖上云云唐書公主傳
睿宗第九女金仙公主始封西城縣主景雲初進封太極元年
與玉真公主皆爲道士以方士史崇元爲師當開元時公主既
爲道士未嘗進封長公主此稱長公主後又有御書神道碑亦
稱長公主蓋皆以元宗之妹而尊稱也疆域之分四至八到始
見於元和郡縣志繼見於太平寰宇記後之撰地理志者皆因
之此以寺記而後列東西南北云四至分明後人田宅署券亦
同此式蓋昉于此也刻記之所碑無山寺主名但云石浮屠後
又云環山林麓西止白帶山口而文前云賜大唐新舊譯經四
千餘卷爲石經木攷畿輔通志山川卷內有石經山在房山縣
西南五十里引隋圖經云智泉寺僧琬見白帶山有石室遂發

心書經十二部刊石爲碑又引逃虛子集云石經貯於巖洞者
七地穴者二洞以石門閉之穴以浮圖鎮之又引帝京景物略
云房山縣西南有山曰白帶山生憇題草又曰憇題山藏石經
者千年故曰石經山北齊南嶽慧思大師發願刻石藏崖下靜
琬承師囑自隋大業迄唐貞觀大涅槃經成其夜山吼生香樹
三十餘本六月水浮大木千株至山下構雲居寺焉唐金仙公
主修之山上雷音洞高丈餘四壁刻經又仙釋卷內載釋靜琬
訪求名勝至白帶山見峯巒靈秀遂採石造十二部石經因構
雲居寺明皇第八妹金仙公主增修之又寺觀卷內載雲居寺
在房山縣石經山下寺有唐開元十年石浮圖銘二十八年
年十八山頂石浮圖後記今並存南麓卽西天寺塔下有石經窟
其後則香樹林據此知此碑在房山縣石經山雲居寺也金仙

公主本睿宗第九女而云明皇第八妹者安興昭懷公主早薨不在數內也碑云奏賜譯經充幽州范陽縣為石經本者今之房山縣在唐時為良鄉縣屬幽州而碑云幽州范陽縣即今之涿州隋時為涿縣屬涿郡武德七年改范陽縣為涿州治並據唐書地理志良鄉范陽二縣接壤想當開元時白帶山在范陽境而范陽又屬幽州唐志所未晰也金石萃編

新唐書地理志幽州范陽郡大都督府范陽縣屬涿州記云幽

府范陽縣時縣屬幽州變州稱府亦一例平津讀碑記

昭聖寺經幢未見

畿輔碑目沙門不空譯劉詔正書在昌平舊城

陳令望心經有正書天寶元年在房山雷音洞

雲麾將軍李秀殘碑存二石礎李邕行書天寶元年在京師內城文丞相祠

右二石礎拓本二礎頗未詳見順天府丞石門吳涵所撰記碑中所有字成句可讀者如式表先公之墓其詞曰則爲墓表可知曰遼水渺瀰則在范陽無疑曰懿文壯武廣孝移忠利倍往昔功省今茲是其功業可略見也曰賢和淑慎靜恭貞曰此必稱其所配之德曰國家方築壇拜將考元宗初年契丹突厥皆興戎事而李秀旣范陽人則其所効武功或卽鄉土所近築壇拜將當指薛訥伐契丹之事惟朝議大夫使持節不知其何所指耳碑析爲六礎度今拓本每礎圓徑尺二寸以方廣計之則是碑高僅四尺餘博不及三尺也準以唐時碑製恐所殘損者多矣礎由良鄉輦致宛平縣署又移入京兆少尹署遂爲王京兆惟儉攜四礎之大梁然王京兆旣好此碑何以又留二礎於尹署此誠不可解者豈非神物完缺聚散實有數存今雲麾隴

墓過良鄉者渺不知其處而片碣留遺轉徙離合所遺不一顧

此二礎得與信國祠堂永垂不朽殆雲麾之靈自為呵護京師

去良鄉四十里桑梓憑依亦雲麾之所樂也

朱文藻著
漢文集

趙錄云明皇以天寶三年改年為載此碑元年正月立而稱元

載何哉按蘇頲撰涼國長公主碑云開元十二載前此二十年

亦稱載者文字中偶一用之與此同也又按李邕撰靈巖寺碑

頌在天寶元年亦曰靈昌郡太守而新舊史止云天寶中邕為

汲郡北海二太守可以補兩書之闕

金石錄

天寶五 存 正書 天寶二年
在京師內城瑞王府

李璿墓志 存 正書 天寶
四載 在文安

感慝文 存 正書 天寶
十一載 在房山

碑刻完好無撰書人姓名孫氏即王晉之妻云一品孫者猶梁

府君碑稱四品孫五品孫也竹汀先生跋梁府君碑引唐書選
舉志三品以上蔭曾孫五品以上蔭孫孫降子一等謂朱賓鄭
莊二人法當蔭敘而尙未得官故以四品孫五品孫署銜然則
此二品孫者亦蔭未得官之稱當是晉之署銜然以加於婦人
初見於此未可遽爲金石之例文記造浮圖之由英二妹以下
述花萼柏舟之志下方鏤象兩軀張令忠等各題名於旁六月
庚寅非十五卽十六日是年五月丙午朔也怨作愆段氏云班
馬字類韻會皆引史記封禪書百姓怨其法字作愆今史記無
此字者此字亡矣廣韻云同怨

王晉石經山中臺造浮圖記存正書有象天

安祿山題名存正書在房山

感石浮圖記存正書在天寶
十一載在房山

歸德郡太守兼諸軍事李時德政記存正書在房山

按歸德郡天寶元年燕州改名即蕃州也

觀音之閣四大字存李白正書在薊州獨樂寺

心經存鎮龍泉寺後殿在永清信安

首云奉為燕國范陽口王蓋祿山時刻故列於此

閱忠寺无垢淨光寶塔頌存張不矜撰蘇靈芝行書至德二載十一月十五日左行在本寺

西廊

宋文惟簡虜庭事實曰燕京城東壁有大寺一區名曰閱忠唐

太宗征高麗回念忠臣義士沒於王事者建此寺為之薦福東

西有兩磚塔高可十丈是安祿山史思明所建此碑稱御史大

夫史思明奉為大唐光天大聖文武孝感皇帝敬无垢淨光寶

塔頌者是也春明夢餘錄曰此碑蓋建於思明初歸附之時其

碑完好近日劉同人

名作帝京景物略謂碑上半斷裂不可讀

且蘇靈芝書名甚著當時乃謂爲李北海自鐫名尤誤之甚不知北海自鐫名乃伏靈芝也此碑書丹於石故以左爲前

舊

唐書肅宗紀至德二載十二月己丑賊將僞范陽節度史思明以其兵衆八萬與僞河東節度史高秀巖並表送降三載正旦戊寅上皇御宣政殿冊皇帝尊號曰光天文武大聖孝感皇帝二月丁未大赦天下改至德三載爲乾元元年今此碑建於二載十一月而已稱尊號又以大聖字移此文武之上與史書不合 宣和書譜蘇靈芝儒生也嘗爲易州刺史郭明肅書候臺記靈芝行書有二王法而成就頓於當與徐浩鴈行戈脚復類世南體亦善於臨做者 予後至燕一日與郵人萬言同至憫忠寺諦觀此碑萬曰前行大唐光天大聖文武孝感皇帝及中

間唐字史思明字類磨去重刻者石皆凹而前行憫忠寺上元
只二字今改范陽郡三字蓋思明復叛之後磨去之及思明誅
後此地歸唐後人重刻者也當日君臣之分殆如奕棊然非親
至其下摩挲遺石而徒揭紙上之字未有能得其情者若年月
尊號之先後亦從此而無疑矣

金石文
字記

碑首范陽郡守字史思明三字次行大唐等十二字文中維唐
紹統及被命敬與禪虞又東宅四水西都八川暨唐祚字至德
二載字其文深陷然書法實出一人考思明之降在至德二載
十二月至明年正月肅宗始加尊號二月乃赦天下改元碑既
建於二載十一月不應預書尊號又思明初附肅宗授以歸義
王范陽節度使若碑建於降後宜大書王爵不當祇稱御史大
夫則是碑之建蓋在思明未降唐之先范陽郡三字其初本二

字祿山僭稱范陽爲東都必東都也大唐一行其初必祿山父子僞號文中唐字其初必燕字而至德二載其初必祿山父子僭號之年無疑載攷安慶緒襲位賜思明姓安名榮國迨既降附復更舊名因命靈芝改書者爾碑文以左爲前甯人謂書丹於石之故疑從祿山俗尙未可定也不矜與判官耿仁智同僚思明之將復叛也表請誅李光弼不矜實爲起草辭曰陛下不爲臣誅光弼臣當自引兵就太原誅之及將入函爲仁智削去思明知之遂執二人仁智死不矜度難獨免可知已當日思明降而復叛既誅之後唐人見其碑踣之惟恐不力安有反勒其名於石者乎此其事之所必無也

曝書亭集

按朱彝尊之辨詳矣然尙有未盡者原碑至德二載四字亦係改刻至字微有聖字形載字微有年字形祿山僞建元聖武至

德二載字先必聖武某年字也蘇靈芝署銜經略參軍經畧字亦改刻其先或署僞官也又改刻除惡務靜句除惡字行末以未字佔用四字格務靜字別行以二字佔用三字格除務靜三字係就文陷刻而惡乎則石面平添者疑原文諛逆之辭有擡頭空格逮後滿格填湊故參錯若此字形敲斜而長不復成書也其他改刻之字如唐紹統兮兮字斗拱字唐祚字鎮陞字皆朱彝尊所未按又除惡務靜靜字朱彝尊誤鈔作盡字髣像像字誤鈔作髣字今一依原碑校正又原碑以首行十六字佔用十八字格金石文字記謂改刻者止於大唐光天大聖文武孝感皇帝十二字而不知敬无垢淨光五字亦改刻者也以碑末聖武僞元字考之則首行必爲祿山僞號朱彝尊之說允無疑矣碑在本寺方丈前穿廊東壁上石質堅瑩唐碑之最完好

者曰下曹
閱考

頌范陽府節度掌書記張不矜撰不云范陽郡而云府者蓋祿
山僭號之後改郡爲府爾蘇靈芝署銜云承奉郎守經畧軍曹
曹參軍按唐書地理志幽州城內有經畧軍百官志諸軍各置
使一人軍皆有倉兵曹三曹參軍事故經畧軍得置曹曹也潛研

堂金石
文跋尾

頌文自左起其文則范陽府功曹參軍兼節度掌書記張不矜
撰舊唐書地理志范陽郡爲大都督府功曹列於府屬是宜結
銜變文言府矣不矜見史思明傳令耿仁智張不矜修表請誅
光弼以謝河北者修表郎書記之任也與碑可相證後又列承
奉郎守經畧軍曹曹參軍蘇靈芝書新唐書地理志范陽郡城
內有經畧軍今此題與志合而靈芝當開元二十七年猶稱前

行易州錄事

碑像

至此為經畧軍之屬蓋亦以學引置幕下矣

授堂金

石積跋

憫忠寺寶塔頌蘇靈芝書張不矜撰張不矜者耿仁智之僚屬

故其為思明草疏史系不矜於仁智之下蓋二人俱死於易去

疏語之時而竹垞云同僚者非也至碑中肅宗尊號與史不同

當是北土傳聞未實是以有異辛楣據唐志謂幽州城內有經

畧軍得置曹曹然此經畧二字亦系改刻者耳竹垞又謂以左

為前疑從祿山之俗不知金石之文凡書丹於石者皆自後而

前且有並非書丹於石而亦自後而前者若涪溪中興頌是也

豈非從誰之俗耶

復初齋集 二十四

高士鄭忠墓碑

存

明增撰 歲癸亥月丁丑日

成巖分書并篆 在武清東北店

乙巳

右高士鄭忠墓碑前人未著錄光緒八年武清令蔡壽臻搜得

之忠武情人安史之亂安祿山僞授長豐尉史思明僞授東光縣丞壬寅年歿爲肅宗實應元年史朝義之二年乙巳歲葬爲代宗永泰元年則史氏平二年矣碑言高祖羅漢武清令屬隋室土崩豪傑雲起有若竇建德者聚兵稱亂圍逼武清時獨堅守孤城確囚臣節神堯□□壯之加右衛大將軍宰縣如故案新唐地理志武清本漢雍奴縣天寶元年更名隋時焉得有武清令蓋撰文者以當時縣名加之實隋雍奴令也通鑑建德於隋大業十二年稱長樂王滅於唐武德四年其圍雍奴事不見於史蓋在武德二年遣大將高士興擊李藝於幽州屯籠火城時也忠高向其志優游山林遭遇世變連受僞命蓋耿仁智張不矜之流並非甘心從逆實不能先自引決耳明詹成巖均人姓名鄧名世古今姓氏書辨證明出自姬姓孟視之孫以王父

字爲氏明僧紹見南史唐有諫議大夫明崇儼成出自莘姓令尹成得臣以王父字爲氏其後有成虎漢成雄居上谷今尙有此二姓

心經 未見

金石文字記趙偃正書廣德二年八月在京師內城西南石鐙庵

開元寺碑 佚

金石攷鄭宣力撰大厯五年立在順義縣東寺中

恆王府典軍王景秀墓志銘 存 正書 大厯十年入 在京師內城寅宅

右王景秀志在宛平出土昇寅得之藏於家恆王元宗子瑱所封八月丙辰朔則二十九日直甲申甲戌乃十九日此云二十九日甲戌者誤也志書鉅鹿之鹿作鏡始見於漢尹宙碑六朝

以至唐人亦閒用之金石文字記以爲不當從金風骨稟然稟
卽凜字之借志立於大厯十一年補訪碑錄以爲十年失編內
又以爲十八年一碑兩列而紀年皆誤疏矣

雲居上寺詩刻

存 吉逾軒較偉等撰
行書 左行 在雷音洞

右唐人題雲居上寺詩六首前有范陽縣丞吉逾序曰辛酉秋
八月僕與節度都巡使王潛墨客軒轅偉猶子駒駘潛息益同
躋攀於此勒四韻又有播一首不知何氏又有元和四年四月
八日范惟清呂延一行則後人所題也時序不著時世按舊唐
書地理志隋涿縣武德七年改范陽縣大厯四年復於縣置涿
州職官志節度使天寶後置此稱范陽縣尉又稱節度都巡使
則此辛酉當是德宗建中二年范陽之縣雖初置涿州而尉猶
在也郡巡之名則史志所不載不獨此六詩可以補唐籤矣

書

亭文集

按雲居上寺未詳處所據詩前稱范陽縣丞吉逾同躋攀於此

云云則寺當在范陽矣唐詩范陽縣屬涿州今檢日下舊聞引

名勝志云涿州有智度寺在城東北隅初自唐時有舊碑刻其

後卽雲居寺俱有石基浮圖疑卽此雲居上寺也謂之上寺者

以在智度寺之後也唐時舊碑刻或卽指此碑吉逾諸人之詩

全唐詩無一載者因並錄之以見唐人詩千餘年來淪於草莽

爲人所未見者蓋不勝紀云碑書暮煙作墓煙筆誤也

金石萃編

此刻在王守泰記石浮屠後之下載在房山王司寇所見本兩

截分拓故云未詳處所碑首云辛酉歲中有元和四年范惟清

等題名案元和四年值己丑後辛酉二十八年當是後來題名

萃編據此一行次詩刻於元和四年誤矣此刻在開元廿八年

王守泰記之後元和四年之前歲值辛酉是德宗建中二年也
萃編跋云碑書暮煙作墓煙其所載碑文却不作墓今以拓本
校之碑實作暮

瀛州景城縣主簿彭況權殞志 未見

訪碑錄王諫撰正書建中三年十一月在通州通州高志志石
出土時已裂為數段

雲麾將軍守金吾衛大將軍上柱國宋嚴志銘 存 正書 建中四年四月廿七日

平州 在昌

右宋儼墓志新出昌平土中蓋朱滔之偏裨陣沒於愜山之戰
者志云元戎朱公又云冀國王卽朱滔也滔建中三年自稱真
王志又云建中二年三月出薊城親領甲兵收掌恆定圍深州
十一月破恆定節度張惟岳十萬餘人校通鑑建中二年正月

成德節度使李寶臣卒子惟岳求旌節不許惟岳與田悅連兵
拒命詔馬燧討悅又詔幽州留後朱滔討惟岳滔攻東鹿拔之
圍深州又戰於東鹿下惟岳大敗皆與志合李寶臣本張忠志
賜姓名故云張惟岳也志又云國家負德不與功勳反禍燕師
受太原河東節度馬燧惡奏先領朔方兵甲隴右道李懷光領
秦兵及殿前兵馬廿餘萬屯營魏州御河西側通鑑滔求深州
不許由是怨望遂與武俊東救田悅是時河東節度使馬燧昭
義節度使李抱眞神策先鋒都知兵馬使李晟共圍魏屯御河
上又詔朔方節度使李懷光赴之皆與志合志又云建中三年
三月至魏貝相去秦兵十里六月卅日大破馬燧兵馬廿餘萬
積屍徧野血流御河通鑑朱滔王武俊至魏州是日懷光軍亦
至懷光乘其營壘未定欲擊之馬燧請休不聽遂擊滔於恆山

之西殺步卒千餘人武俊引二千騎橫衝懷光軍軍分爲二滔軍繼之官軍大敗蹙入永濟渠溺死者不可勝計其積如山水爲之不流燒懼卑辭謝滔求與請節度歸本道志中所云皆是實錄並非夸大之詞而儼卽陣沒於是日通鑑考異云實錄六月辛巳朱滔王武俊至魏州是日懷光亦至七月庚子馬燧等四節度兵退保魏縣燕南記六月朱滔王武俊懷光俱至懷光卽欲戰馬燧抱眞不得已從之七月六日懷光等擊滔勝之羣爲武俊所敗其夜決河水絕懷光西歸之路明日水深三尺餘燧等卑辭退保魏縣校長厯六月壬子朔七月壬午朔辛巳爲六月三十日庚子七月十九日滔與懷光至魏之日滔營壘尙未立懷光卽與之戰豈得至七月六日戰於愜山之夜武俊決水明日燧等卽退保魏縣豈得至十九日疑退師過遲情事不

合因謂實錄燕南記所載日皆不可采今志中明言戰於三十日是實錄之戰日可據舊唐書馬燧傳六月晦懷光至軍至之日未休息堅請與酒等戰不利悅等決水灌燧軍燧兵屈糧少七日燧與諸軍退次魏縣是則燧戰敗於卅日是日辛巳七月七日退保魏縣是日戊子實錄之庚子乃戊子之譌不得云無據燕南記則誤甚御河卽隋煬帝開永濟渠長豐本秦漢之利豐縣高齊廢唐開元十年於文安縣三十里復立利豐縣又以縣北有長豐渠遂改名在今文安縣境志中國家背德及大破燧兵昌言無忌是時河朔之人知有節度不知有天子習俗移人至於如此可慨也夫

長豐令李丕墓志

志石未見僅得拓本行書真元三年十一月今石考在通州

太平寰宇記莫州漢鄭縣唐景雲二年分瀛州屬邑立鄭州割

瀛州鄆任邛文安清苑幽州之歸義等五縣屬焉開元十三年以鄆字類鄆改爲莫字天寶元年改文安郡乾元元年復爲莫州長豐縣本秦漢之利豐縣高齊廢唐開元十年於文安南三十里復立利豐縣又以縣北有長豐渠遂改名長豐析文安任邛二縣以實之幽州唐天寶元年改爲范陽郡乾元元年復爲幽州潞縣本漢舊縣屬漁陽郡唐貞觀元年以潞歸幽州長豐在今順天府文安縣境潞縣爲今通州誌石蓋出於此金石編

范陽郡新置文宣王廟碑

存 韋稔撰 貞元五年二月

張滂行書 在涿州文廟

貞

右碑題云幽州盧龍節度觀察等使工部尚書御史大夫幽州

大都督

關八

使劉公新置文宣王廟碑新置云者天下郡縣皆

有文宣王廟范陽獨無而劉公創建之也碑不著其名字按史

劉濟父子爲盧龍節度怵卒於貞元三季又二季而碑始建碑

云建中初公宰是邑特興斯廟又云時公年始弱冠與濟傳合濟以貞元五年充幽州節度卽以是年立碑追頌其牧宰時事也夫子之教能使蠻貊盜賊感而爲善故唐之藩鎮擅自繼襲者皆驕蹇不奉法濟特恭順朝獻相繼殆本崇奉先師之一念而後能遵王度守臣節歟

金石錄補

御史大夫劉忬碑

佚

金史劉頰傳南范有唐舊碑書貞元十年御史大夫劉忬葬上見之曰苑中不宜有墓以劉頰家本忬後詔賜頰錢三百貫改葬之

于昌嶠墓志

未見

補訪碑錄正書貞元十一年七月在密雲

復舜廟頌

佚

金石錄目韋稔撰顏頤正書并篆額貞元十二年閏八月

虞帝廟顏書元時尚在見王憚文集有大都復虞帝廟碑記謂

此碑入屢欲易去礪以他用主者心愉快若有傲動乃已後有

道士陳志元起長春別院復購之約不犯原刻止用石背及來

徙碑跌圻矣而挺植重不克舉道士惕息不敢徙仍安原處其

著異如此春明夢餘錄

監察御史裏行王仲堪墓志銘存 族弟叔平述 正書 貞元十三年二月 在京師外城百子

坊崇效寺

唐王仲堪墓誌乾隆己酉庚戌間出於京師廣渠門內翁檢討

樹培宜泉得之置卧榻下秘不示人既而時作尤怪或中夜見

緋衣坐榻隅宜泉懼不敢有嘉慶中

詔開唐文館余充總纂官遂以石屬余曰不以此時表彰之使前

賢姓氏湮沒不傳吾之舉也余亟命工拓數十紙既錄其文以補館書之遺并分贈海內金石家此碑蘇齋老人曾跋其尾謂所云相國彭城郡王者幽州節度使劉濟也所云奉使於蒲者河中節度使渾瑊也銘曰日字猶見唐以前古意石藏余家二十九年道光丁酉移置崇效寺院壁崇效寺劉濟捨宅事見析津志載永樂大典仲堪爲劉濟叅謀故使與幕府相依北平徐松記

碑稱仲堪授幽州大都督府戶曹叅軍以能轉兵曹叅軍新唐書百官志大都督府列曹叅軍事皆正七品下戶曹第三兵曹第五此由戶曹轉兵曹蓋事有繁簡也碑又稱奏充節度行軍叅謀百官志節度行軍叅謀闕豫軍中機密開元十二年罷行

軍叅謀尋復置

洪頤煊平津讀碑記七

仲堪舉大厯七年進士是年知貢舉上都禮部侍郎張謂進士
三十三人今可考者張式見柳宗元先友記暢當見唐才子傳
王礎見韓昌黎集與陸參員外書注胡珣見昌黎集少府監胡
公神道碑注與仲堪而五餘無可考矣

行涿州司馬劉建墓志銘

存 郭供撰 貞元十四年

正書 在通州

濮陽卞氏墓志銘

石已佚拓本尙存 貞元十五年七月

康熙辛酉西安門內有中官治宅掘地誤發古墓中有瓦爐一
瓦罍一墓石二方廣各一尺二寸一刻卞氏墓誌四字環列十
二辰相皆獸首人身一刻誌銘而書作誌誌題曰大唐故濮陽
卞氏墓誌誌文曰貞元十年歲次己卯七月癸卯朔夫人寢疾
卒於幽州薊縣薊北坊以其年權窆於幽州幽都東北五里禮
賢鄉之平原是今之西安門去唐幽州城東北五里而遷矣

下日

舊聞考

靳英希墓志 未見

右碑題云大唐故靳府君墓誌銘朝議郎試少府監丞張暹撰并書府君諱英希字英希族靳氏西河人也楚有大夫靳尚卽其後矣以貞元十六年七月十八日卒卽以十七年二月四日與夫人魯氏合葬今少宰孫退谷先生名承澤號北海跋云此誌近出灤縣銳子邨字仿蘭亭法其石在予硯山齋中聞近日秦豫之閒新出賈闔僊志尤佳惜未之見也

金石錄補

鉅鹿時侯墓志 未見

金石文字記劉通明撰行書貞元二十一年四月其文曰葬前縣燕下鄉海王村之南原近出土中字拙而率按錢先生大昕跋李內貞志中海王村以爲遺時村名據此則海王村之名唐

時已有之矣

右碑題云唐故鉅鹿時公墓誌銘并序鄉賦進士劉通明述序云公諱俛字鑑其先鉅鹿人家於武清壽不永年以貞元二十一年卒一子未勝喪禮妻鄭氏弟良錫葬公云云此碑在薊縣海王村岸圯而出唐制取士之科由州縣者曰鄉貢升於有司此日鄉賦豈即貢之意耶唐書裴休從鄉賦登第能為詩詩

鄉賦之年諷誦多在人口當時固有是語也金石錄補

涿鹿山石經堂記存 劉濟撰正書 元和四年在房山雷音洞井亭

石經山方迪劉可大題名存 五年正書 元和在房山

石經山范惟清題名存 四月八日正書 元和四年在房山

此刻在同前二字之下軒轅偉之前一行范惟清非吉逾同時

人萃編合為一刻誤矣應別標一題按年代系載

石經山孔雀洞刻佛本行集經并題記

存 劉總造 行書 額
正書 元和十四年四月

八日
在房山

右佛本行集經在直隸房山僅存二殘石上題佛本行集經卷

三十一幽州盧龍兩節度使劉相公敬造劉相公者劉總也舊

唐書本紀元和十一年十月丙寅幽州節度使劉總加平章事

故稱相公新唐書方鎮表寶應元年范陽節度使復為幽州節

度使及平盧陷又兼盧龍節度使

平津讀
碑記

碑額題幽州盧龍節度使劉相公者劉總也總弒父兄晚年父

兄為崇乃削髮為僧其刻本行集經當有數十石今存卷卅一

之一石已斷為三

鐵橋金
石跋

太子洗馬崔載墓志

存 成表撰 正書 元和十四年
十一月 京師內城覺羅寶柱墓石

右太子洗馬崔載墓志銘在大興縣葉東卿學錄所贈誌題承

務郎試蜀王府參軍成表徵撰載王父謙皇易州修政府折衝
新唐書地理志易州府九有修武而無修政疑武卽政譔列考
季季試恆王府司馬恆王瑒元宗子從帝幸蜀代宗時薨載伯
仲五人皆美鬚鬣麗容貌各身長六尺二寸名列不甚顯俱不

見於史

平津讀碑
說再續

按唐太子洗馬崔載終於幽州薊縣招聖里寔於幽都縣保大
鄉杜村唐書地理志河北道幽州領縣九薊州所治幽都管郭

下西界與薊分理

金石
續編

唐幽都縣卽今宛平縣列考之列當作烈廣韻齊丁公之子食
邑於崔丁公之子太公之孫也有博陵清河二望載博陵崔也

古誌

石華

新唐書地理志易州九府有修武而無修政天下六百三十四

府闕佚甚多每於金石文字見之此其一也金石補正

井闌刻字存正書開成四年五月在京師外城慈仁寺顯先生祠

盤山李從簡題名存正書無年月在朔州盤山李靖舞劍台側

薊州西北三十里盤山上有李靖舞劍臺李從簡曾遊十大字

刻於石按册府元龜李從簡文宗開成初為左金吾衛將軍兼

御史中丞將命鹵庭不能專對貶復州刺史意者其人乎金石文字

記

幽州大都督府兵曹叅軍陳立行墓志銘存正書李儉撰于全益

歲在丁丑石出於京師城外今歸山東維縣陳氏

右幽兵參軍陳立行墓志首云皇唐四周甲子歲在丁丑夏四

月甲戌又云越日景申晦按唐代建元始於武德元年戊寅至

大中十一年丁丑適符四周甲子之數通鑑目錄是年四月戊

辰朔五月丁酉朔以此推之甲戌爲七日丙申爲廿九日是月
小盡故稱晦蓋卒於大中十一年四月七日越廿二日丙申而
葬也據誌述立行事蹟卓然可法宜入孝義傳官位不顯埋滅
無聞非誌石出土何由傳於千載之後邪韋雍死於亂鋒事見
張宏靖傳文所謂詔訪遺類官給葬事者於史無徵陳立行及
其祖父暨夫人之父柳楚皆無史傳可攷撰文之李儉書石之
于全益亦無傳張仁憲碑亦李儉所撰彼碑署銜僅存上柱國
三字卽此李儉也唐書宰相世系表肅宗相李揆之曾孫有名
儉者不言官職未識卽其人否宣宗重惜服章當時以緋紫爲
榮李儉賜紫于全益賞緋是二人者當有功績可嘉也

金石補正

碑云皇唐甲子四周歲在丁丑按唐高祖受命建號歲在戊寅
至高宗儀鳳二年丁丑爲甲子一周元宗開元二十五年丁丑

爲甲子再周德宗貞元十三年丁丑爲甲子三周志言大中十
一年丁丑爲甲子四周陳君年五十有八由丁丑上溯系生於
貞元十六年庚辰志中有云從事韋雍死於亂鋒琴瑟併命老
母弱子拘諸佛寺音信不通樵蘇不爨君與其弟遊口口口咎
瘞其遺骸慰其口盞盞乞州里夜餉饗餐進恐吏訶退憂口口
詔訪遺類官給葬事亡者免飫於烏鷄存者復歸於鄉井名
教口口口豪傑尙其義此又難之尤者按通鑑長慶元年張弘
靖鎮幽州判官韋雍輩多年少輕薄之士嗜酒豪縱復裁刻軍
士糧賜繩之以法數以反虜詬責吏卒謂軍士曰今天下太平
汝曹能挽兩石弓不若識一丁字由是軍中人人怨怒七月韋
雍出逢小將策馬衝其前導雍命曳下欲於街中杖之河朔軍
士不貫受杖不服雍以白弘靖弘靖命軍虞侯繫治之是夕士

卒連管呼譟作亂將校不能制遂入府舍掠弘靖貨財婦女囚
弘靖於薊門館殺雍等舊唐書列女傳韋雍妻蕭氏聞難號呼
專執夫袂左右格去以死不從及雍臨刃蕭氏涕而告曰妾不
幸年少義不苟活今日之事願先就死執刀者斷其臂而殺雍
蕭氏詞氣不撓雖凶悍圍視無不嗟嘆其夕蕭氏亦卒太和六
年節度使楊志誠表明其事因降敕追封蘭陵縣君事與志合
惟不言雍之老母弱子並立行周旋之事耳立行軫念故友風
義不愧古人克融作亂於長慶元年立行年二十有一昭雪於
太和六年立行年三十有三皆在未仕以前

閔忠寺重藏舍利記

佚

金石文字記采師倫正書會昌六年六月在閔忠寺

是碑建自唐會昌六年文稱舍利舊藏智泉寺寺經始於元魏

幽州刺史尉萇命故又號尉使君寺按北史萇命萇作長其曰
節制司空清河張則仲武也當武宗詔毀佛寺地分三等幽州
等居上許留僧二十人尋又詔諸道留二十人者減其半故碑
云勅於封管八州內寺留一所僧限十人至是年宣宗即位遂
弛其禁先是智泉寺已燬遂以舍利歸憫忠寺焉仲武在幽州
屢破回鶻鄭畋謂會昌時功第一方毀寺之歲五臺僧多奔幽
州仲武封二刀付居庸關曰有游僧入境則斬之及宣宗增置
僧寺碑稱司空固護釋門殷誠修敬若是乎前後不相侔者蓋
仲武功名之士宜其好惡與時移也師倫無善書名然猶存王
知敬薛稷遺意亦能拔乎俗者

日下舊聞放

朔州尚德府別將劉士弘墓志銘

存李仲文製正書大中元年十月在京師外城工部

倫宅

太子中允工部尙書清河張仁憲神道碑

存 李儉撰 蔡陵分書并篆額 大中二年

在文安相公庄

唐張仁憲碑幽州節度掌書記李儉撰節度參軍蔡陵八分書

并篆額仁憲字仁憲官至太子中允其孫仲武為盧龍節度使

追贈仁憲為工部尙書碑以大中二年立在文安縣

集古錄目

碑稱祖佐明幽州游徼府右果毅都尉新唐書地理志不載游

徼府之名

平津讀碑記

唐張仁憲神道碑李儉撰蔡陵八分書并篆額大中二年立在

縣相公莊

京畿金石考

右張仁憲碑在文安縣碑已中斷上截又裂為二以銘詞計之

每行六十二字年月只存日癸酉三字據集古錄知大中二年

所立首行檢校下所闕為太子中允贈五字九行大夫下所闕

爲太子中允貞五字皆可據集古錄知之仁憲歿於貞元四年
戊辰後廿二年元和十七年辛卯仁憲之妻魯氏卒又閱三十
七年大中二年戊辰乃耐於仁憲之墓其孫仲武追述立碑距
仁憲沒時周一甲子矣此碑自集古錄後僅見於京畿金石考
皆有目無文廿所罕見辛未正月潘伯寅侍郎以拓本見詒亟
讀而錄之案仲武唐書有傳云范陽人云舊將張光朝子云其
第仲至云子直方云大中初擢累檢校司徒同中書門下平章
事皆與碑合惟碑云蘭陵郡王史云蘭陵郡公與碑微異要當
以碑爲正史敘仲武官階云會昌初爲雄武軍使擢兵馬留後
拜副大使檢校工部尙書進檢校兵部尙書皆碑所未及碑爲
仁憲而作仲武歷官固宜從略碑云經略盧龍軍兼充招撫迴
鶻使兼幽州大都督府長史食邑三口戶皆史所未詳至史敘

直方官階則在此碑之後碑言國子祭酒兼御史中丞則在右
金吾將軍襲節度留後之前史皆略之碑言破獯鬻之衆帳盈
七千拓鮮卑之疆地開千里證之以傳云回鶻特勒那頡頏擁
赤心部七千帳逼漁陽仲武使其弟仲至與別將游奉寰等率
銳兵三萬破之獲馬牛橐它旗纛不勝計又云大中初破奚北
部及山奚俘獲雜畜不貲卽其事也回鶻傳亦載之云乃詔諸
道兵合討盟沒斯以赤心姦桀難得要領卽密約天德戍將田
牟誘赤心斬帳下那頡頏收赤心衆七千帳東走振武大同因
室韋黑沙南闕幽州節度使張仲武破之悉得其衆那頡頏走
烏介執而殺之又云遏捻可汗衰殘部五千仰食於奚大首碩
舍朗大中初仲武討奚破之回鶻寢耗滅所存名王貴臣五百
餘轉依室韋仲武諭令羈致可汗等遏捻懼挾妻葛祿子特勒

壽斯馳九騎夜委衆西走較諸仲武傳爲詳也又案帝紀會昌
元年十月幽州盧龍軍逐絳雄武軍使張仲武入於幽州二年
回鶻可汗寇大同九月劉沔爲回鶻南面招撫使幽州盧龍軍
節度使張仲武爲東面招撫使大中元年五月張仲武及奚北
部落戰敗之回鶻傳亦云詔劉沔爲回鶻南面招撫使張仲武
東面招撫使碑但言招撫使不言東面者略耳仲武功績甚偉
帝嘗詔李德裕爲銘揭碑盧龍以告後世鄭畋謂仲武會昌時
功第一碑言七狄稽顙百蠻投誠者洵非諛美之辭焉後此一
年仲武卒見宣宗本紀洪氏所見游徼府字今本已泐金石補正
碑云伯氏仲斌薊州刺史有子長曰口輔按輔字上缺德字間
好問志云莊王猶子德輔潛謀避禍卽此人也

再修歸義寺碑 佚

金石攷引方志張冉撰大中十年庚子九月剝肇自天寶迫以
安氏之亂史氏歸順特詔封歸義郡王兼總幽燕節制始置此
寺詔以歸義爲額在舊城時和坊其地在善果寺西半里

紀聖功銘 伏

李德裕撰張仲武破回鶻紀功文載舊唐書張仲武傳

王公夫人張氏墓志

存 李元中撰 子弘泰行書 咸通四年七月 在京城外城慈仁寺壁

廣韻云張姓凡十四望本自軒轅第五子揮始造弦寔張網羅
世掌其職後因氏焉誌敘姓源誤第五子爲弟子誤弦作安掌
下誤衍中字文義遂不可通又家族奇常當是異常之誤幽都

今宛平縣其夫名公晟則据後合葬誌而知也 古誌 石華

右王公夫人張氏墓志志云夫人姓自軒轅之弟子揮始造矢
實張羅網世掌中其職遂爲氏焉按鄧名世姓氏書辨證云張

出自姬姓黃帝子少昊清陽氏第五子揮爲弓正始造弓矢實
張羅以取禽獸主祀弧星世掌其職賜姓張氏與此志合志又
云長子弘泰見任雄武軍平地柵巡檢烽鋪大將游擊將軍新
唐志薊州有雄武軍故廣漢川也幽州節度使所屬通考載巡
檢始於宋時觀之此志則唐末已有巡檢之名矣

再修天長觀碑 佚

元一統志天長觀在舊城內有唐再修天長觀碑節度衙推劉
九霄撰咸通七年四月道士李知仁重葺

雲居寺主眞性神道碑

存 何籌撰 張景琮正書并篆
額 咸通八年十一月 在房山

右雲居寺主律大德碑在房山碑稱大德姓史氏涿郡范陽人
元和中廉察使相國彭城劉公墓其高節亟請臨壇又云暨太
和有口祀方伯司徒史公之領戎也常目重山聆風仰德新唐

書本紀元和五年七月乙卯幽州盧龍軍節度使劉濟卒其子
總自稱留後此稱劉公未知是濟是總又太和八年十月辛巳
幽州盧龍軍大將史元忠逐其節度使楊志誠自稱權句當節
度使馬碑所稱史公卽其人碑題滸江栖夷子何等撰以號入

結銜亦唐末有此

投堂金石
文字續跋

王公晟夫人張氏合耐墓志

存

許舟撰
咸通十一年八月

道光辛卯西直門外出二石一爲王公晟夫人張氏墓志葬於咸
通四年七月十三日一爲王公晟與夫人張氏合耐墓志葬於
咸通十一年八月四日蓋張氏先卒先葬至公晟卒乃合耐也
兩志結銜幽州節度使押銜檢校國子祭酒四子均同惟長
子前曰弘泰後曰弘太三子前曰弘藉後曰弘寂音同字異至
官階前云銀青光祿大夫爲從三品後云正議大夫爲正四品

按國子祭酒正居正四品後志又云上柱國則二品為夫人沒後所得官矣幽都縣保大鄉寰宇記幽都縣十一鄉此云保大鄉與陳立行志云禮賢鄉可考者有二

石經堂姚可矩等題名存正書咸通十一年在房山

甘泉普濟禪寺靈塔記存正書咸通十二年歲次辛卯閏八月在荊州甘泉山

媯瀛莫三州刺史閻好問墓志存正書咸通十四年仲秋廿八日

右御史中丞閻好問墓志在京師西直門外出土補訪碑錄云

此志出土僅拓數紙土人埋之遂不可得審視拓本鑄有藏常

山李氏成蹊家字媯叔所言未確撰文者好問之姪媯叔以為

周彥恭撰文誤據敘文好問官終於幽州司馬而標題不著文

有烏台三上語豈幽州司馬之後又嘗為御史中丞故首句云

中丞諱好問第一字雖缺要為中字無疑當即據以題之誌云

蜀巴西太守芝三十四代孫二十三代祖冀州刺史鼎按元和

姓纂閻氏天水郡有西城侯蜀巴西太守閻竺當卽其人竺與

芝字涉形似傳寫之誤也新唐書宰相世系表晉有北平太守

安成亭侯鼎字玉鉉死劉聰原誤作總之難子昌奔於代王猗盧遂

居馬邑誌所稱冀州刺史者當卽其人然晉書閻鼎傳云字台

臣天水人以豫州刺史奉秦王至長安與賈疋王保等共立愍

帝後麴允等忌而陷之出奔雍爲氏竇首所殺與世系表不合

豈同時有兩閻鼎耶抑鼎字玉鉉又字台臣所稱北平太守安

成亭侯者以其有建立之功歿後追贈而史官遺之表又誤以

竇首爲劉聰耶所不能明矣誌又云祚諱晉祚卽稱字公羊傳

注云生稱父死稱考入廟稱稱誌蓋本此誌又有云藥師贈太

尉蘭陵張庄王者張仲武也仲武范陽人封蘭陵郡公卒諡曰

莊史不書贈太尉者史之漏略也史稱公誌稱王者進爵爲王而史遺之也張仁憲碑亦稱郡王藥師當卽仲武之字史所未載誌不言檢校司徒同中書門下平章事者誌略之也其子直方襲位史云以右金吾將軍襲留後俄進副大史誌云以戶部襲位與史不符据史直方入京後嘗檢校工部尙書或工部卽戶部之誤然直方厯官終於左金吾衛大將軍不應捨後稱前疑史所稱右金吾將軍者誤也直方入京史云長下變起乃託出改奔京師誌云吐以血誠請覲龍闕當是隱飾之辭至德輔構禍則史所失載可据此補之當時藩鎮強橫事非朝廷所能制不獨蕭牆變患旋卽弭平爲史官所不盡知也白敏中字用晦史附其父居易傳李宗冉史於宗閔傳僅附其名不述一語所謂守埸橋者不審何時何事故府燕國公張允伸也允伸字

逢昌范陽人封燕國公咸通十二年卒今府僕射李茂勳也茂勳本回鶻阿布思之裔降於仲武積功賜姓名官尚書右僕射皆盧龍節度也幽都縣安塞軍納降軍皆隸幽州莫州鄭縣新書地理志作莫縣云莫州本鄭州開元十三年以鄭鄭文相類更名莫本鄭開元十三年更以誌證之是改州未改縣也銘云允從周室者宰相世系表閻氏出自姬姓周武王封大伯曾孫仲奕於閻鄉因以爲氏又云昭王少子生而手文曰閻康王封於閻城又云唐叔虞之後晉成公子懿食采於閻邑元和姓纂略同惟不言昭王少子要皆出自周室也銘又云嬪榮漢皇者後漢宜春侯閻暢女爲安帝皇后也爰從東弟弟卽第實蘇邊俗蘇卽蘇少連脂膏慕遺清白脂脂之誤慕暮之誤

金石補正

志云會昌中燕師贈太尉蘭陵張炷王攷爲張仲武舊書列傳

仲武歷官至司徒中書門下平章事謚曰莊而不言贈太尉可
以補史之闕志又云莊王嫡直方以戶部襲位情娛弋獵性樂
微行常以讜言維持於宿衛明年冬諫戶部吐以血誠請覲龍
闕按皇甫枚三水小牘云咸通庚寅歲盧龍軍節度使檢校尚
書左僕射張直方抗表請修入覲之禮優詔允焉先是張氏世
莅燕土民亦世服其恩禮燕臺之嘉賓撫易水之壯士地沃兵
庶朝廷每姑息之洎直方之嗣事也出綺紈之中據方岳之上
未嘗以民間之休戚爲意而酣酒於室淫默於原巨賞狎於皮
冠厚寵集於綠幘暮年而三軍大怨直方稍不自安左右有爲
其計者乃盡室西上至京懿宗授之左武衛大將軍觀此志知
勸直方入覲者爲好問矣志又云莊王猶子德輔潛祈大福陰
構禍階爰從東第直臨正寢乃披堅執銳從辰洎申威掠前鋒

血盈左脅新舊兩書列傳均不載此事志又云故府燕國公攷
爲張允仲舊書列傳咸通九年累加至光祿大夫檢校司徒兼
太傅同中書門下平章事燕國公志中埔橋爲宿州治通鑑二
百五十胡三省注憲宗元和四年析徐州之符離新泗州之虹
置宿州治埔橋在徐州南界安塞軍納降軍軍府名均見新書

地理志

楊元宏造般若波羅密經

存 楊元宏正書 王居安書藏 兩
面刻 咸通十五年四月八日 在房

山

右楊元宏造般若波羅密多經兩面刻額曰奉爲口相公敬造
般若波羅密多經刻於咸通十五年四月八日按唐書懿宗咸
通無十五年蓋十四年七月懿宗崩僖宗卽位是年爲癸巳至
甲午十一月方改乾符元年此經刻於四月是在未改元之前

所以稱咸通十五年矣相公上泐一字以元和劉總刻經例之
當是張字是時張公素為盧龍節度使於十四年九月加同平
章事故稱曰相公楊元宏王居安並無考

涿州蜀先生廟碑

存 郭筠撰并正書 乾符四年 在涿州

幽州節度押衙敬延祚墓志

存 張賓述 正書 中和三年 二月 石出昌平今歸灤縣陳氏

誌出順天府大興縣海豐吳誦孫世芬得之以拓本見貽唐書
中宗相敬暉五王之一也誌云祖諱輝守宣州右丞相當即暉
之誤也本傳不詳暉之父名世系表云父山松澄城令誌云曾
祖諱包攝幽都縣令表云暉四子讓誠詢謹誌云考諱全紀皆
與唐書不合唐代敬氏別無名輝而為宰相之人史誤邪抑誌
誤邪不可攷矣誌中事作土矛作予揚作楊淑作熟河作何皆

誤字迺王脩之社社上脫罷字

古誌 石華

右國子祭酒敬延祚墓志標題有云鎮安軍使者鎮安軍屬營
州本燕郡守捉城貞元二年爲軍見新書地理志有云綾錦坊
使者綾錦坊屬少府監見百官志志但言綾錦坊巧兒三百六
十五人不言有使當是後來添置者誌於繁宗盛裔不廣敘焉
之下卽云遂授隨使節度押衙遙攝鎮安軍使充綾錦坊使又
忽云於戲壽之與天不保黃髮然後乃敘其先世其敘先世先
考次曾祖又次乃及其祖是文之無紀律者標題有檢校國子
祭酒兼御史中丞而文內絕無一語及之亦太疏略曾祖包攝
幽都縣令幽都屬河北道幽州祖暉守宣州右丞相黃氏疑節
相中宗之敬暉按新唐書暉傳並無守宣州之文蓋別一人也
稱右丞相者誌誤也未可据以疑史矣驕身疑驕人之誤不怒
而臨下句疑脫一字彙斯作齶異文肺肝作肺權笑作權均誤

黃氏未舉

國子祭酒張嗣題詩 未見

張公修金山寺碣 未見

盤山志金山寺唐光啟二年七月建有石碣存薊州大夫張公
修造此寺又有國子祭酒張嗣題詩勒石薊州大夫嗣之仲孫
也

閔忠寺重藏舍利記 存 沙門南敘述 知常正書 景福元年十二月 在京師外城閔忠寺西廊

舍利塔一燔於太和八年一燼於中和二年至是僧復嚴葬舍
利於閔忠寺觀音像前南敘述記知常書之碑中所云隴西令
公大王者李匡威也匡威欲遷舍利於閔內至拜疏於朝請發
封壤詔可而後行當時崇重法實如是 金石文 子記

碑云隴西令公大王者李匡威也是歲李克用王處存合兵攻

王銘匡威救之有詔和解河東及鎮定幽四鎮碑稱欲遷舍利於閣內陳辭請發封壤上許之蓋匡威方恃燕薊勁旅有雄天下意宜有請無不許者碑文侈陳發緘時舍利光芒異香郁烈外石函封內金函闕其崇奉象教至矣迨明年匡威復出師救銘其弟匡傳據軍府自稱留後匡威進無所之銘迎館於鎮登城西大悲浮圖願望流涕未幾以圖銘見殺然則事佛果得福乎舍利之塔一燔於太和八年一燼於中和二年今匡威所建之閣遺跡已不可問其碑僅存焉爾已踣佛脚俾工拽而出之捐以藏諸笥

曝書亭集

重藏舍利記右街內講殿論兼應制大德沙門南敘述僧知常書景福元年十二月十八日記碑云隴西令公大王者朱錫鬯以爲李匡威以予攷之匡威之立在光啟二年八月歲在丙午

而碑稱中和二年歲在壬寅值火災延闕忠寺樓臺俱燼又云
不葺年隴西令公大王舍俸造觀音閣則造閣之時匡威尙未
建節所云令公者當是李可舉耳唐書藩鎮傳載可舉所授官
甚略其稱令公而封王爵史未之及也可舉以光啟元年乙巳
被殺李全忠代之明年全忠卒子匡威爲留後距壬寅已四年
餘矣不當云未葺年也碑於大唐文宗及武皇及宣宗及上皆
空二格其云旌麾清河公者張仲武也亦空二格書之獨於隴
西令公跳行書之當時河朔之俗知有節使不知有天子久矣

其云大燕者沿安史之僭稱也

潛研堂金石
文字跋尾

右闕忠寺重修舍利塔記在京師闕忠寺記云隴西令公大王
朱竹垞以爲李匡威錢辛楣少詹以爲李可舉然記於中和二
年不葺年稱隴西令公大王固是李可舉其於景福壬子年請

發封壤上許之者則李匡威也記特未明析言之爾

盤山上方道宗大師遺行碑存沙門知常撰梁知止正書乾甯二年口月在蘄州

幽州延洪寺福伯遵公遺行碑佚

金石攷守蘄州錄事參軍攝幽州安次令試大理評事閻杅撰

乾甯三年四月

涿州刺史常尚貞修廟記存劉守文撰正書光化元年十二月在涿州乾符先主廟碑陰

太尉朱懷珪碑佚

天下金石志元載撰李融書在昌平州

幽州寶集寺碑佚

日下舊聞攷引析津志云寺建於唐大概見於宗原堂記其詞

曰宗原堂者大寶集寺之丈室也佛殿前石幢刻曰大唐幽州

寶集寺唐碑亦有寶集之名寺創於唐世可攷見矣

草書千文 佚

天下金石志僧亞樓書在國子監

御史董甫墓志

文安楊志唐御史董甫墓石在城西南安祖店萬厯初土人掘得志石乃裝度撰文畏而毀之

孫士林墓志 佚

日下舊聞攷房山縣有孫臆墓至康熙年間房山縣知縣羅在公得墓誌始知在房山者爲唐將軍孫士林墓云

靳夫人墓志 未見

大城張志唐兗州刺史靳思之妻墓已沒志石尙存

千佛寺詩 佚

京畿金石攷引方志云僧所取礪若砧者皆斷唐人詩碑

涿鹿山雪居寺新鐘記 存 正書 在房
山雲居寺左萊園

處士王君造浮圖經 存 正書 在房

劉洛通刻經記 存 正書 在房
房山孔雀洞

東峯石室正法念經碑 存 正書 七十
卷二 一百一十石

東峯石室大涅槃經碑 存 正書 四十
卷一 一百二十石

東峯石室大華嚴經碑 存 正書 八十
卷二 一百四十石

東峯石室大般若經碑 存 正書 五百二十
卷 一千五百六十石

茲四大部經二千一百三十碑者亦唐雲居寺四代禪師之闕
典也高藏泉嶺上抗雲巖永代未開徒存名目契丹碑紀可證

因緣

石經堂洹水流樹經碑 存 正書 一部 石數未
詳 在大洞右第一洞

石經堂陀羅尼集等經碑 存 正書 三部
在右等二洞

石經堂今生歡喜名無垢等經碑存 正書 部數未詳 在左第一洞

石經洞金剛般若等經碑存 正書 在左第二洞

石經洞菩薩瓔珞等經碑存 正書 在石井左一洞

石經洞摩訶般若等經碑存 正書 在石井左二洞

石經洞文殊師利普超三昧等經碑存 正書 在伽藍殿右一洞

石經洞觀世音大悲心陀羅尼經碑存 正書 在殿右二洞

石經洞金剛般若經碑存 正書 在大洞左側

石經洞金剛般若經碑存 正書 在大洞伽藍殿旁石

茲入洞經碑者唐雲居住持導公儀公通公法公之所嗣製也
井陰殿曲岩竇突通穴漏闕中層度充堵或逢啟榻枚數斯疲
至金剛三碑偃卧離立維那施造疑有題名

宋

宋碑殘字完好字跡漫滅止一慶字
在永清麗各庄

据明葛厯碑定為宋時石刻

大觀聖作碑存正書大觀元年
八月在文安學宮

葛可惟為亡父造陀羅尼幢存前經後記正書八面刻
宣和四年十月二十三日在涿州

西城

按宣和四年九月郭藥師以涿州降故用宣和年號

延壽寺紀功碑佚

東都事略童貫蔡攸師師入燕號撫定勒碑於延壽寺以紀功

將佐姓氏皆刻於碑

燕山清勝寺慈慧大師塔幢存前經後記正書八面刻
宣和七年二月十三日在京師右

安門外
廣恩寺

智炬如來心破地獄真言石幢存王士宗造前真言後記
八面刻正書宣和七年十一

月戊辰朔五日壬申日丙時
在永清南辛溜村大佛寺

按宋徽宗宣和七年歲在乙巳金太宗天會三年也是年十二月金兵南逼徽宗內禪燕山地入於金此幢立於十一月故猶用宋年號幢文男六人第一二三四及六俱名字相屬并綴妻第五爲僧恆企則一子出家者也

永清縣南辛溜村大佛寺有石幢周道鑄智炬如來心破地獄真言其末云大宋燕山府永清縣景隆鄉新留里王士宗奉爲亡考特建頂幢一口亡耶耶王安娘娘劉氏亡父文清母梁氏亡伯文佐亡叔文思男六人士宗妻劉氏士言妻郝氏士英妻楊氏士廉妻孫氏僧恆企士忠妻寇氏女楊郎婦維宣和七年十一月戊辰朔五日壬申日丙時建按宋石刻在多有唯燕山一路不在宋疆域之內宣和暫復不旋踵失之今京城內外絕

無宋片碣而此幢巍然於小邑荒郊朱氏日下舊聞亦未采入
故表而出之辛潤卽新留土人相沿譌變而音不異其稱大父
耶耶則北人猶有此稱大母曰娘娘則未之聞也又縣南信安
鎮龍泉寺有金大定三年碑其文亦有王孝子耶耶之文當亦
謂其大父耳

十駕齋養
新錄十五

石經

佚

天下金石志碑刻春秋禮記今磨滅不完在舊燕城南金國子
學又春明夢餘錄云九經石刻舊在汴金人移置於燕

鍼灸經

佚

天下金石志仁宗篆題元至元間自汴移此在三皇廟

鐘銘

存 在永清
縣署左首

鐘鑄重千餘斤四面有文斑剝不可辨識惟一面可辨有云朝

散郎知冀州□□□勒農□□□兵馬□監雲騎尉以官名
推之當是宋時物也舊志及日下舊聞皆以為唐時來自永定
河邊又云文字漫滅不辨蓋未深考此銘冀州下當有軍字勒
農下當有使字兵馬下當有都字餘不可臆解其歲月已不可
考故附宋末

遼

再義寺尊勝經幢

存前經後記正書會同九記龍集敦
并為元月二十一日在京師外城善果寺

祐唐寺古佛舍利塔記

存三月正書天祿二年
在薊州本寺

仙露寺葬舍利佛牙石函記

佚

日下舊聞云釋志願撰并正書天祿三年歲次己酉四月十三

日

仙露寺金人俘宋室子女置其中見蔡條北狩行錄趙子砥燕

雲錄顧地志失載遺蹤遂不可稽康熙二十六年五月宣武門西南居民掘地得石匣匣傍有記自稱講經律論大德志愿錄并書乃遼世宗天祿三年瘞舍利佛牙於此記後有千人邑三字蓋社名也施主姓名前列帝后諸王大臣下及童男小女考遼史世宗妃甄氏後唐官人帝從太宗南征得之寵遇甚厚及卽位立爲皇后至天祿四年方冊立皇后蕭氏二后同死察割之亂並葬於醫巫閭山記刻於三年所云皇后蓋指甄也東明王者疑是明王安端卽察割之父以功王東丹國故曰東明王也燕主大王者中臺省右相滕蠟爲南京留守封燕王故曰燕主大王也國舅相公者靖安蕭太后族只撒古魯以天祿元年爲國舅帳詳穩故曰國舅相公也獨趙思溫子延照史作延昭而通鑑亦作照嘗爲石晉祁州刺史後仍歸遼餘子本末不得

其詳矣又記有建窳堵波之文疑當時石匣置於塔久廢而石

匣僅存土中匣已無蓋其舍利佛牙又不知何時散佚也應曆七年

承進為薦福禪師造尊勝經幢

存前經後記八面刻記劉贊撰王思進正書應曆七年

六月二十一日在閔忠寺戒壇前

右幢上截曼患每行末約亦缺一二字分行錄之幢為薦福而

造薦福十三出家天祿中為殿主莊嚴佛象遼主加號為薦福

歿於應曆七年六月其門人承進等為之營葬因敘述行業而

立斯幢造幢者承進諸人京畿金石攷以為薦福所造殆非末

行年月僅存日壬午丁時五字莫由定為何時係諸應曆七年

六月可也應曆七年當後周顯德四年世宗即位之三年金石補正

重修雲居寺一千人邑會碑

存應曆乙丑歲天順皇帝御宇之十五王正述鄭熙正書篆額

房山在

都亭口侯太原王公修石幢記

存 記行書 題名正書 年月 舊聞考云保甯元年九月泐

在善果寺會 同石幢記後

太子左衛率府率御史大夫上柱國李內貞墓志 佚

乾隆庚寅三月琉璃廠窰戶掘土得古墓棺槨不具而骨節異
常人旁有一石砥其文則遵故銀青崇祿大夫檢校司空行太
子左衛率府率兼御史大夫上柱國隴西李公墓誌銘也提督
兩窰廠工部郎中孟君滸募人改葬於故兆東二十步別買石
書李公官位表於道而誌石則仍瘞之越十數日予始得聞亟
往欲椎拓其文不可得世竟無拓本惜哉聞孟君曾令吏寫一
通索而讀之文駢麗頗可誦李公仕契丹子姓皆通顯而姓氏
不載正史恐後之人過此地者終不知為何許人也故記其畧
云李公諱內貞字吉美媯汭人唐莊宗時舉秀才授將仕郎試

秘書省校書郎守雁門縣主簿次授蔚州與唐縣主簿次授儒
林郎試大理寺丞守媯州懷來縣丞大聖皇帝兵至迎降加朝
散大夫檢校工部尙書兼御史大夫賜紫金魚袋兼屬珊都提
舉使嗣聖皇帝改銀青光祿大夫檢校尙書右僕射兼御史大
夫天授皇帝加檢校尙書左僕射燕京留守南面行營都統燕
王知其才補充隨使左都押衙中門使兼知廳勾次攝薊州刺
史次授都峰銀冶都監天贊皇帝改檢校司空兼御史大夫上
柱國行太子左衛率府率保甯十年六月一日薨於盧龍坊私
第年八十以當年八月八日葬於京東燕下鄉海王村先嫁殷
氏女有三子後棟何氏女生二男弟僧可延天順皇帝授普濟
大師賜紫長子續金紫崇祿大夫檢校司空南奚界都提紀使
兼御史大夫次子玉燕京都麴院都監金紫崇祿大夫檢校司

空兼御史大夫上柱國次子口銀青崇祿大夫檢校尙書右僕射兼御史大夫上柱國前大石銀台都監次子瑤前遼興軍節度推官將仕郎試秘書省校書郎次子環攝宜州觀察推官文稱大聖皇帝者遼太祖之尊號也太宗稱嗣聖皇帝世宗稱天授皇帝穆宗稱天順皇帝景宗稱天贊皇帝皆與史合其云燕京留守南面行營都統燕王者耶律燧蠟也本傳不言爲南面行營都統史之闕也中門使蓋留守司之屬而百官志不載屬珊軍應天皇后所置志祇載詳穩司而不及都提舉使銀冷都監麴院都監皆南面財賦官志亦遺之皆可補史之闕太子率府職名志稱興宗重熙十四年見率府率習羅此李公於景宗時授左衛率府率又在重熙之前矣自古史家之患在於不博而遼史尤其牽率之甚者予在京師久往往見遼時石刻文物

制度頗多可采未嘗不追咎歐陽張揭諸公之草草也然三史之修始於至正三年三月訖五年十月而成以七百四十餘卷之書筆削於三載以內欲其網羅散失有無滲漏是亦難矣遼南京城因唐藩鎮之舊唐時閔忠寺在城內東南隅今之琉璃廠在遼爲城東燕下鄉正可互證而海王村之名亦好事者所

當知也

潛研堂集

以李君歷官考之遼史百官志初加朝散大夫改銀青崇祿大夫階也上柱國勲也志皆無文又兼屬珊都提舉使考志於北面內載珊軍詳穩司應天皇太后置軍二十萬選番漢精兵珍美如珊瑚故名而都統所屬有隨使左都押衙中門使兼知廳勾由都統委授南面財賦官有銀冶都監志皆不及之非得此誌則奚所補焉牒蠟見逆臣傳爲行營都統志稱行軍都統亦

異文也稱崇祿大夫不言光祿者避太宗諱也

授堂金石文字續跋

判官都官員外郎王教再修雲居寺記

存 釋智光記並正書 統和乙巳歲八月

在房

山應歷重修雲居寺碑陰

右王正智光雲居寺二記共勒一碑碑額篆書重修雲居寺一

千人邑會之碑一稱結一千人之社一千人之心一稱完葺一

寺結邑千人近年京城發地得仙露寺石函記後有千人邑三

字尼曰邑頭尼覽者疑是地名合此碑觀之則知千人邑者社

會之名爾天順皇帝者遼穆宗尊号丞相秦王者重元為南京

留守也遼史聖宗初即位羣臣上尊号曰昭聖皇帝統和元年

六月上尊号曰天輔皇帝五年四月上尊号曰至德廣孝昭聖

天輔皇帝二十四年十月上尊号曰至德廣孝昭聖天輔皇帝

今碑建於二十三年尊号無天輔字是則二十四年十月以前

聖宗尊号但云至德廣孝昭聖皇帝如碑所記至二十四年乃

合元年尊号天輔字以稱之否則二十四年所上之号與五年

無異何用羣臣復上乎竊疑史有誤也曝書亭集

獨樂寺修觀音閣碑存劉成撰并正書統和

祐唐寺劫建講堂碑記存李仲宣撰沙門德麟正書并篆

衍法寺尊勝經幢存李翊造正書入面刻統和十八

幢為李翊所建京畿金石攷以為李懿非李翊史無傳經咒為

不空所譯不空有碑萃編載其文諡曰大辯正廣智三藏和尚

此又多一大字金石補正

法寶寺經幢佚

金石考仇正已撰統和二十二年立在舊城

廣濟寺佛殿記存宋璋撰龐可昇正書
太平五年三月在寶坻本寺

右勅賜廣濟寺碑前銀青崇祿大夫檢校司徒使持節儒州諸
軍事儒州刺史兼御史大夫上柱國廣平縣開國男食邑三百
戶宋璋撰攝大定府文學龐可昇書碑陰左側皆邑人題名右
側爲重熙五年重修寺題記碑記僧宏演率門人道廣維那王
文襲等修寺宇勅賜寺額等事弘演詳釋道傳儒州遼地理志
隸西京道今直隸宣化府延慶州治大定府隸中京道今喀喇
沁右翼南一百里廣平立縣始於唐而省於遼地志不言何時
省入幽都今此碑刻於太平五年而有廣平縣開國男知省縣
在太平後矣若宋志之廣平則宛平之訛不足據

采魏院陀羅尼石塔記

存沙門如正述正書
景福元年在宛平采育營

戒壇碑

佚

金石考虞仲文撰景福元年立西山

重修廣濟寺題記存重熙元年正書

重修法華寺募緣記存張希顏撰張鞏正書重熙十

天甯寺尊勝經幢佚

金石考前閣門祇候文詠魯王府隨軒掌書記文昌造正書重

熙十七年在天甯寺塔前

尊勝經幢存前咒後記入面刻周大萬撰記正

清涼寺千佛經幢存正書入面刻清甯

清涼寺有石幢八面各鑄佛像製殊古朴讀其題識云清甯三

年歲次丁酉二月丁未朔二十七日癸酉日提點成辦人馮絢

燕京作頭王文善成造長男辰兒鑄清甯遼道宗紀元也不書

大遼者遼自聖宗復國號契丹至道宗咸雍二年丙午始仍稱

遼造幢之時猶稱契丹故也潛研堂文集

白帶山雲居寺東峯續鐫成四大部經記存趙遵仁撰王詮

在房山

小西天

白帶山漢書地理志清河郡有憇題縣顏師古注憇古莎字雲居寺在白帶山西峪石經在小西天石洞中四大部者一曰涅槃部一曰華嚴部一曰般若部一曰寶積部其說查恂叔紀遊集已言之詳矣碑記云太平七年故樞密直學士韓公諱紹芳知牧是州暇遊是山見石室經碑且多皆沙門靜琬於隋大業中所造奏於天朝出御府錢歲析輕利俾供書經鐫碑之價自太平七年至清甯三年續鐫造成四大部數清甯三年五月十二日大寶積初成郡守蕭公惟平召余製辭刊記按遼史傳韓延徽幽州安次人孫紹勲紹芳紹芳重熙間叅知政事加兼侍中出爲廣德軍節度使卒遼史地理志乾州廣德軍上節度本

漢無慮縣地聖宗統和三年置以奉景宗乾陵傳載紹芳之爲
廣德節度在重熙以後而不載其太平七年知牧是州郡守蕭
惟平史無傳蕭作蕭借用字結銜稱崇祿大夫史百官志不詳
官階崇祿之階無攷未載其男佶之婦爲司徒娘子亦未詳撰
者殿試進士趙遵仁其父前剖符是郡亦不知其名史無選舉
志惟於禮志嘉儀下載進士接見儀進士賜等甲勅儀進士賜
章服儀三條而不詳殿試之制遼本紀聖宗諱隆緒母蕭氏小
字燕燕乾甯四年九月癸丑卽位統和元年六月甲午上皇太
后尊號曰承天皇后羣臣上皇帝尊號曰天輔皇帝與東都
事畧合

大昊天寺碑

佚

書史會要遼道宗喜作字秦越大長公主捨棠陰坊第爲大昊

天寺帝爲書碑及額今在燕京舊城

妙行大師遺行碑佚

元一統志大昊天寺在舊城寺建於遼按乾文閣待制孟初所撰燕京大昊天寺傳菩薩戒故妙行大師遺行碑銘道宗清寧五年秦越大長公主捨棠陰坊第爲寺土百頃道宗施五萬緡以助勅宜政殿學士王行已領役既成詔以大昊天寺爲額額與碑皆道宗御書大殿之後建寶塔高二百尺有神光飛繞如火輪清信施財者沓至師壽八十二

奉福寺尊勝經幢存前經後記八面刻講論真言撰記并正書清寧九年七月十三日在宛平白雲

觀西廣恩寺

護國院石幢記未見

畿輔石刻目正書咸雍元年

智度寺尼法妙等題名

存 正書 咸雍元年 在涿州

歸義寺彌陀邑特建起院碑並陰

佚

倚晴閣雜鈔歸義寺在善果寺西遼刹也天王殿前一碑無撰
書人姓氏額題彌陀邑特建起院碑文稱寺肇自清甯七年買
徐員外地遂爲歸義寺備書寺基墻垣尋尺以及佛像經藏之
數碑陰首書疏主懺悔師守司徒純慧大師賜紫沙門守臻本
行僧錄檢校司空精修大師賜紫沙門智清次載邑衆姓名開
府儀同三司守太尉兼中書令幽國公劉二元開府儀同三司
兼侍中開國公趙徽建雄軍節度使開國公劉需諫議馬子詮
尚書張挺中舍李思闕秘書省校書郎劉文左班殿直韓允右
班殿直王規燕遼國妃劉蕭氏劉國夫人杜鄭氏其餘邑首邑
長邑正押司官印官副正副錄知厯錢物名號不一又數十人

賈得妻史氏等題名

存

正書

咸雍二年三月六日
在房山天寶心經碑側

咸雍殘碑

存

正書

咸雍二年

在良鄉東門外塔頂

昊天寺碑

佚

元一統志遼咸雍三年翰林院學士王觀奉勅撰

賜臺山清水院藏經記

存

沙門志延撰

李克忠正書

咸雍四年歲次戊申三月癸酉朔四日丙子

在宛平縣

龍潭大覺寺

清水院在京城七十里距

圓明園三十餘里宛平縣所屬山半有泉下注如垂紳至山麓則

有龍潭以瀦之山側有鷓鴣谷見明王嘉謨劄耶集今無攷矣

清水院之額始於遼而沿於金帝京景物畧載金章宗有入院

此其一也後易名靈泉明宣宗宣德三年建寺更額大覺今仍

之寺中穹碑易見者惟明碑兩面刻宣宗英宗御製文此碑在

寺內龍王堂遊蹟所不到故傳搨絕少乾隆戊戌九月二十七
日昶從寒蕪落葉堆中搜得之摩訶雜誦回環數四因歎北方
石刻可證遼金史者甚夥惜無好事者搜抉出之也碑額書奉
爲太后皇帝萬壽大王千秋皇帝卽道宗太后則道宗母仁懿
皇后蕭氏也遼史傳蕭氏小字撻里興宗后道宗卽位尊爲皇
太后清甯二年上尊號曰慈懿仁和文惠孝敬廣愛宗天皇太
后大王者遼百官志初名夷離董太宗會同二年改稱大王有
南北二院皆分掌部族軍民之政謂之知大王事道宗紀咸雍
二年三月以東北路詳穩耶律韓福奴爲北院大王三年十二
月以東北路詳穩高八爲南院大王以臆度之燕京當爲南院
所屬所稱大王或卽高八也碑云陽臺山者薊壤之名峯清水
院者幽都之勝槩薊壤卽薊縣唐建中二年析薊縣置幽都縣

遼開泰元年改幽都爲宛平碑蓋從今稱也遼地理志玉河縣
本泉山地劉仁恭於大安山創宮觀師煉丹羽化之術於方士
王若訥因割薊縣分置以供給之在京西四十里遼之薊縣改
名析津今爲大興遼之玉河析宛平地置而云割薊縣者當由
兩縣犬牙相錯之地也志明云在京西今之順天府遼爲南京
析津府遼言京西正與今同則清水院似在玉河縣地今山左
右尙有南安窠北安窠之名或卽遼志所謂大安山之南北也
鄧從貴爲南安窠村人所居近清水院也檢畿輔唐志建置沿
革不載玉河山川內不載陽臺山朱氏日下舊聞不載志延藏
經記皆失之疏畧因詳識之碑末抄門覺苑結銜稱檢校太保
大卿大卿之稱金百官志無攷

金石萃編一百五十三

戒壇聚慧寺大吉祥佛頂圓滿陀羅尼幢

存後記

尼惠照建八面刻

前經正書

大康元年歲次乙卯七月辛酉朔二十四日甲申庚時建在宛平西山戒壇明王殿門之左

此幢前刻佛頂尊勝陀羅尼咒次刻如意輪陀羅尼咒次刻大

吉祥大興一切順陀羅尼咒後列范陽王□□記泐其名又列

沙門等名內裕淨裕正裕世裕顯裕轉裕振裕權裕徽名與下

幢同此幢大德講論賜紫沙門泐其名當是裕仁裕正下泐二

人名當是裕祥裕諦並据下幢證之記內氈依當即瞻依借用

字求道瘞泛明當是求道瘞之明別體字金石萃編一百五十三

大悲心陀羅尼經幢存正書太康二

壇主崇祿大夫守司空傳戒大師法幢記存入面刻正書太康三年歲次丁巳三

月辛亥朔十四甲子坤時在宛平西山戒壇

此幢前刻大悲心密言次刻寶篋印真言文皆與今本多不同後記不詳

撰者何人記稱幢為故壇主大師而作壇主結銜但日崇祿大

夫守司空傳菩薩戒大師而不詳其名號後列門人寺主等十
九人內裕淨裕正裕世裕顯裕轉裕振裕權裕徵名與陀羅尼
幢同又列邑人道俗一百四十二人書幢人康口一人幢建於
太康三年太康爲道宗紀元下署甲子坤時建坤時疑卽申時
或當時書體多借用字此蓋借坤爲申也然陀羅尼幢署甲申
庚時建則用幹不用支此幢之建與前祇隔三年似同一例不
應作申殊不可臆斷金石萃編一百五十三

按萃編以乾爲申之借甚誤遼時以甲乙丙丁庚辛壬癸乾坤

艮巽代十二支蓋用陰陽家言

甘泉普濟寺非覺大師塔銘

存正書

大康三年七月在剡州

城東井亭院圓寂道場藏舍利記

存正書

比耶思

大康六年歲次庚申

四月甲午朔二十八日亥時在房山

劉仲方仲脩建尊勝陀羅尼真言書存 入面刻大安元年正月 梵書釋文真

南

伯昌等造經幢存 入面刻經文 梵書題款張君玉正書

口口及妻葛氏造經幢存 入面刻在涿州張相公廟

譙樓鐘佚

東安李志大安二年鑄

楊彥均天尊名號幢存 入面刻正書 大安

涿州廣因寺尊勝經幢存 先咒後記入面刻 正書在涿州張相

公廟

壇主寺司空大師道行碑存 王鼎撰並正書 大安七

上方威化寺故監寺澄方道行碑存 門人志隆撰并正書

涿縣人李從善造雜漢象記存 在通州城南王恕肥廟帝廟內

尊勝經爐 存 前經後記 入面刻 張俊撰記 正書

雲居寺李志效造陀羅尼石塔幢 存 入面刻 王書 大

觀音菩薩地官舍利函記 存 沙門善製述 義中正書 大安十年歲次甲戌閏四月辛未朔二十二

日壬辰申時 在開忠寺西廊

碑所稱大安十年乃遼道宗年號帝京景物畧目為金時物蓋

金衛紹王亦改元大安因致誤耳考金衛紹王稱大安者祇三

年此云十年可知非金大安矣其撰文之僧名又見前所載遼

時石函上蓋同時物也 日下舊 闕考

右大憫忠寺觀音菩薩地官舍利函記劉氏帝京景物略朱氏

日下舊聞俱曾載之予在京師數遊斯寺問寺僧記所在俱云

無有今春同家詹事載朱學士筠紀太僕復亨曹給事學閔到

寺觀海棠偶見旁院牆廊支瓮方石形製有異撤而視之則寺

記也文甚完好後題大安十年歲次甲戌閏四月辛未朔二十
二日壬辰甲時考遼道宗金東海侯俱以大安紀年東海侯享
國獲三年耳此云大安十年蓋遼之大安而劉氏以爲金刻亦
考之未詳矣予頃遊馬鞍山戒壇寺見遼學士王鼎撰法均禪
師碑後題乾時又石幢二皆遼時刻一題庚時一題坤時潭柘
山有了公禪師塔銘金大定中刻亦題庚時今此記稱甲時蓋
遼金石刻之文多作斯語以甲乙丙丁庚辛壬癸乾坤艮巽代
十二支也

潘研堂金石
石字跋尾

按後題有大安十年歲次甲戌閏四月辛未朔二十二日甲時
錢君跋云予頃遊馬鞍山戒壇寺見遼學士王鼎撰法均禪師
碑後題乾時又石幢二皆遼時刻一題庚時一題坤時潭柘寺
有了公禪師塔銘金大定中刻亦題庚時今此記稱甲時蓋金

遼金石刻之文多作斯語以甲乙丙丁庚辛壬癸乾坤艮巽代
十二支也愚謂此陰陽拘忌之說其傳已久顧亭林嘗謂歷家
天盤二十四時有艮巽乾坤不知其所始因按之淮南子天文
訓子午卯酉爲二繩丑寅辰巳未申戌亥爲四鈞東北爲報德
之維西南爲背陽之維東南爲常羊之維西北爲蹶通之維此
四維卽艮巽坤乾後人省文取卦名當之其說詳矣然以卦名
汶易亦未實指其故攷舊唐書呂才傳若依壘書多用乾艮二
時並是近夜半呂才在唐之初所序葬書已云然蓋術士竄易
爲之也又宋天禧四年送奉神速碑石題名有云四月二十七
日已後午前丙時豎立訖唐潘智昭墓誌後題天寶七載七月
五日景時北齊書南陽王綽傳以五月五日景時然則金石刻
之文不獨遼金爲然矣授堂金石文字續跋

舍利石函紫褐師德大衆題名

存四面刻
函記同時刻

嚴甫正書與舍利
在阿忠寺西廊

憫忠寺內戒壇前有遼幢一乃為寺尼薦福刻者幢後置有石

函一函四周刻字首行標題大遼燕京大憫忠寺紫褐師德大

衆等次書覺晨等四人以下駢書諸僧名凡三百七十人又書

康曰永等三人天水嚴甫書太原王維約刻最後刻布施諸物

石函不記年號相傳為緘舍利利用者其舍利等則不可攷矣

考

題稱紫衣為紫褐初見此碑其僧職有曰懺悔師鈔主有曰懺

悔師鈔主亦他碑所未見後列職官二人曰蓋閣都作頭曰蓋

殿寶塔都作頭似係修寺時權宜設置之官也石函多紀施舍

利之事其藏器有銀鶻餅小金餅銀淨瓶藥玉瓶鎗石淨瓶銀

筒子其增飾諸器者有玉錢銀錢花銀錢火鏡火珠勃海珠珊

瑚玻璃金結囊水晶垂頭玉羊玉狗玉墜子玉鬲銅狗銀釵玉
匣龍腦鑰石匙筋此外有銀觀音菩薩一尊銀塔一坐小金剛
子數珠一串金榜玉滴子一對裘似與毬通用垂頭似與墜頭
通用狗字見韻會本作狗字鑰石見玉篇鑰石似金格古要論
云自然銅之精也据此所紀想見當時物力饒裕故所施之美

麗如此 萃編一百五十三

慈知大德尊勝大悲陀羅尼幢 存 入面刻 僧德麟正書 昌五年四月 在京師外城慈悲

庵葉 圓中

遼道宗壽昌年號史作壽隆不知其所由致誤當据石刻以壽
昌為正也壽昌五年即宋元符二年己卯遼時金石文以甲乙
丙丁庚辛壬癸乾坤艮巽代十二支故此刻稱乙時也唐以前
書語日之日形瘦而長遼代去唐未遠此幢首行日字尙近古

而何以宋人願釋諸經已莫能詳攷乎是幢在城南慈悲庵後
園四十年前予與蔣石辛楣慕堂諸君遊憇於此辛楣每指說
此壽昌年號以證遼史而未及手拓也今敦夫編修拓其文屬

題為識於後

投堂金石續跋

尊勝陀羅尼幢

存八面刻正書壽昌五年八月三日在房山

甘泉普濟寺嚴慧大師塔碑

存南林撰正書乾統二年五月在薊州本寺

崇孝寺碑

佚

金石考僧了鉢撰乾統二年立

報國寺尊勝經幢

存八面刻正書年月泐金石攷云乾統三年在京師外城慈仁寺

燕京析津縣華黎莊興建木塔記

存張軫撰石恕同正書乾統五年五月在東直門外

花黎坎

白懷友造尊勝經幢

存先經後記入面刻沙門了鉢撰記正書乾統五年乙酉冬十月乙丑朔二

十一日乙酉
在良鄉劉李河

志妙為亡弟子建陀羅尼塔記 存 入面刻 乾統七年七月 在涿州

上方感化寺碑 存 南抃撰 沙門肅同正書 在薊州本寺

三河縣重修文宣王廟記 存 王鑒撰 正書 乾統七年十一月八日 在三河縣學明倫堂

碑於道光庚戌修廟時出土按乾統者天祚紀元七年丁亥為

宋大觀元年是時耶律氏國勢已衰而縣令猶知勤政愛民興

修學廟差為可稱碑文之拖沓蕪雜固當略而不論矣字端勁

有唐人意惟劑肉開橋窠鼎墮等字好用異文沿北朝碑板餘

習怒濤應是怒字訛非異文 汪謝城曰禱曰碑中別體字尚

有矜擻坵攘葺弄裝倚闌等字而禱从示為字書所無其明

字作明缺二筆 當是遊諱俟攷而童子及第商酒都監等名目可備讀遼史者

參攷遼碑世既無多此尤後出嗜古者當亦樂觀也 錄三

為志延和尙建尊勝陀羅尼塔記 存 入面刻 正書 乾統八年四月 在涿州

駐蹕寺沙門奉航幢記 存 門弟子善堅述 正書 乾統八年四月 在宛平玉河輝池水村蔡公廟

祖聚德造陀羅尼呪幢 存 八面刻 經文梵書款題 正書 乾統八年十二月十五日 在涿州張相

廟公

趙公議為亡考建尊勝經幢 存 入面刻 正書 乾統十年三月四日 在房山瓦井

雲居寺供塔燈邑碑 存 僧行能撰 圓融正書 乾統十年九月 在房山

碑前列崇教寺沙門行鮮撰後列陽暎沙門圓融書其文載舍

利始於西來高僧出之臂間後有百法上人得之寺僧大德文

密與眾謀議化錢建塔一座燈邑高文用等誓志每歲上元廣

設燈燭環於塔上三夜不息還之遺俗侈於佛事此其一也燈

邑即近人稱燈社爾他無定紀者圓融書勢深似李北海遺刻

佳本可寶也 按堂全 石續跋

香爐石基題字 存 正書 乾統中立 在永清义口鎮隆慶寺

白懷祐造尊勝經幢存入面刻正書開國書天慶

奉聖州判官蔡彥咨尊勝呪幢存入面刻正書天定元年在永

清東徐村

按史無天定年號金石攷以為紀載缺略實則諛天慶為天定

鄉人以音近而譌石刻亦間有之

定覺寺碑存張銳撰并正書天慶二年十月在東安

釋迦定光二佛舍利塔記存慧才撰正書天慶二年在東安

雲居寺積秘藏石經記幢存沙門志才撰正書天慶二年在房山雲居寺南塔下

尊勝經幢存入面刻正書天慶九年在涿州

歸依寺尊勝經幢存入面刻正書天慶十年在永清

尊勝經幢存正書天慶

天慶鐘殘字佚

見元王惲碑

尙書左僕射中書令遼西郡王楊哲碑 未見

畿輔碑目王鼎撰正書年月泐在東安

報先寺碑 佚

見析津志

釋惠源重修舍利塔記 佚

見盤山志

尊勝陀羅尼經幢殘石 存 正書 在永清

尊勝陀羅尼咒幢 存 咒梵書記正書 年月缺 在京師內城玉帶胡同朝陽庵

按明碑稱幢上刻開皇年號曰朝陽寺云云今石幢猶存庵中

幢二面正書六面梵書正書殘缺其可見者第一行為寺故口

靈塔記五字第二行為宛平西關人也父李祥母王氏師自十

一十六字第三行爲寺主爲師施經受具自後徧習經論於大十六字第四行爲僧臘二十二茶毘七字第五行爲二十六日建五字第六行爲法弟比耶尼沙門智勸九字按遼史開泰二年改唐幽都縣爲宛平縣宛平之名自此始今幢有宛平其爲遼幢無疑

雲居寺宋賓王詩殘石存正書無
年月在房山

据畿輔石刻錄編入遼

雲居寺東峯石室大般若經碑存正書八十卷二百
四十五石在房山下同

東峯石室大寶積經碑存正書一百二
十卷三百六十石

茲二部經二千七百三十碑遼可元大師之續鑄也始於太平之柔兆歲於清甯之彊圍統稱四部同封九室

東峯石室賜刻楞嚴經碑存正書

雲居寺賜刻菩薩地持經碑 存正書

雲居寺賜刻善戒經碑 存正書

雲居寺賜刻淨業障經碑 存正書

雲居寺賜刻優婆塞戒經碑 存正書

雲居寺賜刻梵網經碑 存正書

雲居寺賜刻瓔珞本業經碑 存正書

雲居寺賜刻佛藏經碑 存正書

雲居寺賜刻菩薩善戒經碑 存正書

雲居寺賜刻內戒經碑 存正書

雲居寺賜刻五戒經碑 存正書

雲居寺賜刻威儀經碑 存正書

雲居寺賜刻菩薩藏經碑 存正書

雲居寺賜刻三聚懺悔經碑存正書

雲居寺賜刻五法懺悔經碑存正書

茲一百八十碑者遼道宗孝文皇帝賜錢之所造也蕭梁設講

於同泰末詔書丹晉昌寫經於滏陽無煩泉府翰王需德彌廣

受持

東峯石室十住斷結經碑存五石正書

東峯石室花手經碑存十五石正書

東峯石室佛名經碑存一石正書

東峯石室大成德陀羅尼碑存二十八石正書

東峯石室摩訶摩耶經碑存一石正書

東峯石室菩薩瓔珞經碑存十一石正書

東峯石室大法炬陀羅尼經碑存三十石正書

東峯石室五千五百佛名經碑 存十三石 正書

東峯石室不空羅神變真言碑 存七石 正書

東峯石室賢劫經碑 存十八石 正書

東峯石室入法界體碑 存一石 正書

東峯石室須真太子經碑 存二石 正書

東峯石室德護長者經碑 存二石 正書

東峯石室超日明三昧經碑 存五石 正書

東峯石室浴佛功德經碑 存一石 正書

東峯石室未曾有因緣經碑 存一石 正書

東峯石室不思議功德諸佛所護念經碑 存三石 正書

東峯石室定念經碑 存一石 正書

東峯石室妙法決定業障經碑 存一石 正書

東峯石室寶網經碑 存一石 正書

東峯石室過去莊嚴劫千佛名經碑 存一石 正書

東峯石室未來星宿劫千佛名經碑 存一石 正書

東峯石室見在賢劫千佛名經碑 存一石 正書

東峯石室三曼陀隨陀羅經碑 存 正書 已
下石數未詳

東峯石室受戒經碑 存 正書

東峯石室寶積經碑 存 正書

東峯石室舍利弗悔過經碑 存 正書

東峯石室文殊悔過經碑 存 正書

東峯石室法律三昧經碑 存 正書

東峯石室十善業道經碑 存 正書

東峯石室本生心地觀經碑 存 正書

東峯石室理趣六波羅蜜經碑存正書

東峯石室大智度論碑存正書

東峯石室十地經論碑存正書

東峯石室彌勒菩薩所問經論碑存正書

東峯石室佛地經論碑存正書

東峯石室金剛般若論碑存正書

東峯石室金剛經破取著不壞假名論碑存正書

東峯石室文殊問菩提經論碑存正書

東峯石室勝思惟梵天所問經論碑存正書

東峯石室涅槃論碑存正書

東峯石室涅槃經古有今無偈論碑存正書

東峯石室遺教經論碑存正書

東峯石室三具足經論碑存正書

東峯石室無量壽經論碑存正書

東峯石室轉法輪經論碑存正書

東峯石室瑜伽師地論碑存正書

東峯石室顯揚聖教論碑存正書

東峯石室王法正理論碑存正書

東峯石室阿毗達摩集論碑存正書

東峯石室達摩雜論碑存正書

東峯石室中論碑存正書

東峯石室十二門論碑存正書

東峯石室般若燈論碑存正書

東峯石室空論碑存正書

東峯石室百論碑正書存

東峯石室廣百論碑正書存

東峯石室廣百擇論碑正書存

東峯石室成唯識論碑正書存

東峯石室大丈夫論碑正書存

東峯石室入大乘論碑正書存

東峯石室掌珍論碑正書存

東峯石室五蘊論碑正書存

東峯石室起信論碑正書存

東峯石室摩訶衍論碑正書存

茲凡四千八十碑者遼通理大師之成就也樹福檀施寫文龍藏重巒深掩終古長完正復鉢緣既盡諍亂魔兵原火何燒法

雲常護用錄志才之誤徧示有情

華陽吳祖椿校